



Georg 1006



Georgs-B.

In disem büchlin wirt mit mancher
 lay capffern/bestendigen/vnd in der schriftt gegründten vrs
 sachen/klärlich bewert/das der heilig Apostel Petrus
 gen Rom nicht kōmen/noch alda den tod gelit
 ten/daraus volget/wie sich der Rōmisch
 Papst/vnbillicher weiß/ain nach
 kommer Petri rümet vnd auß
 schreibet ꝛc.



Wer yetz und herfür kommen will
Der müß sich nit duncken züvil
Das er thū das sey henckens werck
Oder das man straffe mit dem schwert
Es hat kain not/all erberkait
Tregt yetz nit für ains domens brait.

U
vom E
schiffe/
en vnd e
zükunff
zaichen
nit vern
sethat v
end vñ s
tod/mit
den E
tigam E
Heliam
len/wel
schalen
nymus
thün/no
opffer de
nach zer
cerimon
das gan
se wane
haben/e
sonderli
wis halt
vñ sonde
regimen
noch he
sein/dar
herin C

Bozred.

Uder allen Poetischen fabeln vñ Jüdischen affter
glauben oder lügen / ist keine meins bedunctens / so
gar ertichret / nerrisch / vnd schedlich / als eben die
vom Endtchrist / welche auß verachtung der hailigen ge-
schrifft / zu disen vnsern zeiten / in das volck hat eingedrung-
en vnd eingerissen / dan wie müß es doch zügeen / das wir seitz
zükunfft / auß souil gewisser bedeutung vnd scheinbarlichñ
zaichen vom herin Christo vñ seinen Apostlen züuorigesagt /
nit vermercken wöllen : Ob es vñ vñ vñ sünd vñ mis-
sethat vmb got also verschuldt haben / das wir also schlaff-
end vñ schnarchend überlauffen werden / vnd den schnöden
tod / mit langtsamer büß bewainen sollen / dan dieweil wir
den Endtchrist zükünfftig sein vermainen / vñ dan der brey-
rigam kōmen ist / nit anschawñ wöllen / hoffen wir noch auf
Heliam vnd Enoch / das die züuoran zügesendet werden sol-
len / welches so wir fürsehen wöllen leylich / vñ nach der
schalen der worte / so müssen wir (als der hochgelert Hiero-
nymus schreibt ad marcellam) den Jüdischen fabeln züfal-
thñ / nemlich das Hierusalem widerumb gebawen / vnd die
opffer des gesatz im tempel daselbst geopffert werden / vñ das
nach zerstörung des gaislichen gotes dienst / die leylichen
cerimonien widerumb herfür kōmen sollen. Dieweil aber
das gang büch der offenbarung Johannis / auß welchem di-
se wane vom Endtchrist / Helia vnd Enoch iren vrsprung
haben / götliche züuersteen ist / dan es vñ vñ yedem wort ain
sonderliche gaisliche bedeutung tregt / sollen wir es für ge-
wis halten / das Helias / Enoch vorlangst kōmen seyen /
vñ sonderlich der Endtchrist / welcher auch sein tyrannisch
regiment ain lange zeit in der kirchen Christi getriben / vnd
noch heütigs tags treybt / dan wer darff so vnuerschampt
sein / das er laugnen wöll / alles was vom Endtchrist / vom
herin Christo vñ den Apostlen züuorigesagt / das solches yetz

und in der Römischen Kirchen nit gefunden werd/dan sy ist
mit so grausammer vnſauberkeit vmbgeben/das die Chriſt
glaubigen menschen zuleben verdreißt/dierweil sy von ir/ai
nem frembden Chriſto zudienen genötigt vnnnd bezwungen
werden. Sol nun dem nicht anders sein/das Helias vor der
widerkunfft vnſers herin Chriſti auch widerkommen muß/so
ist solches nit leyplich/sonder gaislich züuernehmē/zügleich
erweiß als die diener Herodis/da sy den hailigen tauffer Jo
hannem fragten/ob er Helias wer/bekant er frey er wer es
nit/vnd doch nichts destminder hat der herr Chriſtus offent
lich gesagt/er sey Helias/sonderlich an dem ort/da die apo
steln sagten/warumb die schrifftgeleerten sagten/Helias
muß vor dē Messias kommen/Anwurt der herr/ich sag euch/
Helias ist bereit zükömen/sy haben in aber nit erkant/vnd
haben mit im gehandelt nach irem müwilln/Es hat auch
im euangelio Luce/vom Johane der engel gesagt/Er wirt
fürgeen vor dem herren im gais vnd krafft Helie. Also yetz
und auch/dierweil diser mēsch der sünd/herfür kömen ist/vn
wirckt die haimligkeit der bosheit/das wir sehen die vnſau
ber vnraingkeit sitzen an der hailigen stat/so sein zügleich
auch kömen im gais vnd krafft Helias vnd Enoch/züſtrei
ten wider disen Endechriſt/vnd die glaubigen menschen zü
vnderrichten/ime kein stund vnderthenig züsein/sy haben
auch etwas außgericht/wiewol er sy züuerderben vnd züuer
brennen sich vnderstanden. Zü Florenz hat er Jeronymum
Sauonarolam/den hochgeleerten vertedinger Chriſtlicher
lautrer lere/selb drit mit dem feür verbrennen lassen. In
Engelland hat er verschafft/das gebain Johannis Wick
leffe/aines fürtreffenden mans/des gleichen nit bald züſin
den/in das möz züwerffen/sein gedechtnuß bey allen men
schen ganz züuertilgen/das er auch der erden/mit andern
leüten nit gebrauche. Warüb solt ich nun hie auch nit nen
nen Johannem Hus vnd Jeronymum/die allergelestesten
maister der Prägischen hohen schül:welche er mit listen vnd

betr
sond
bren
Wa
Joh
von
geh
met
lay
nac
rem
herr
ten
nen
brin
sche
Er
nen
ins
der
des
etro
vnſ
was
log
lasc
stan
lich
drin
en/
ma
abf
der
win

betrug/in das Conciliū geleckt/vnd darnach on alle recht/
sonder allain nach seiner tyranney wollust / zū puluer ge-
brent hat/als das yederman wol waiße vnd vnlaugbar ist/
Was wil ich aber sagen von disen vnnsern tagen: Er hatt
Johannem Keuchlin / vñ Johannem Picum den Grauen
von Mirandula / die obersten der gelerten leüt / vil anderst
gehandelt/dañ sich nach irer baider tugent vnd kunst gezim-
met hat/ Es ist on not/mit vil Worten zū erzelen/mit wasser
lay grausamen sturmwinden er wider den allerhefftigsten
nachforscher vñ beschirmer Christenlicher warhait/ Docto-
rem Martinum Luther auch wider den gestrengen Ritter
herin Ulrichen von Hutten/ bisher getobt/vnd noch wüt-
ten vnd toben ist / daß er von zorn ganz dürr wider sy brün-
nen/wolt in auch gern/wie es im möglich/die flammen bey-
bringen. Durch sein anregen/seind so vil Behemischer men-
schen gewirget/das ganz fluß des blüts darnon gelauffen/
Er hat Engeland beschwerung gethon/die es noch bewai-
nen. Der Orient/steet betrübt/ Christū von dem nidergang
ins ellend getriben worden/wir seyen aber starcker hoffnüg
der herr werd disen bosshafftigen mit dem atem seines mun-
des tödten/ auff das er in der zükunfft seiner maiestat/noch
etwas hinderstelliger Christen sind. Dañ vor zeitten als die
vnsinnigen Sophisten nichts anders daß hadern/zanctū/
waschen vnd klaffen lernereten/do lag die warhafftig Theo-
logia vnder der banck/die Christlich lieb vñ reinigkeit ver-
laseh. Nun aber widerumb/dieweil die recht Theologia er-
standen/ so ligt das waschen vñ klaffen ernider/die Bapst-
lichē Decretal vnd Bullen/so das euangelium Christi ver-
drungen hetten/vnd allain auff betruglichkeit gestelt war-
en/vergeen. Man merckt dem rechten weg mit fleiß nach/
man merckt mit wasserlay beywege/die kirch in so mercklich
abfal kommen/wiewol diser Endchrist solche reformation
der kirchen/mit allen seinen krefftē zū hindern sich vnder-
wint/Er zürnet/er kreuzt/er beißt / vnd knarret mit den ze-
A iij

nen / vnd wil vil lieber zu dümmern geen / dan gebessert wer
den / vnd ist solches kein wunder / dan er ist warlich der recht
dreykopffig hellisch Cerberus / vñ des zu ainem zaihe / trege
er ain dreyfaltige Cron / zu yedem kopff ain sondere / Er hat
der ganzen welt hefftigklich entgegen gebollen / er hat als
les vergifft / vnd weer sich seiner ketten zu eiffen gearbeit /
den hat er gebissen. Nun aber dieweil solcher Cerberus zwai
er kopff mangelt / mag er sich nit meer so grausam vñnd er
schrecklich stellen. Ainen kopff hat er verlorn in dem kampf
da im Laurentius Balla der allerherzhafftigst held / vnd
scharpffsinig richter aller guten kunst / darzu der warhaff
tig Hercules thet begeben / vnd den selbigen grausammen
schedel / mit seinem schwert thet abhauen. Dises kopffs ge
bell / war der ganzen welt nit allain schwer / sonnder auch
shedlich zu hōrn / in dem das er fūrgab / das Palaciu Late
ranense / das oberst vñnder allen andern / Rom / welschland /
vnd alle Occidentalische land / gegenait vñd ster / wāren
Siluestro vñd im vom kaiser Constantino geschenckt / vnd
mit solchen blossen worten vermainen schier die ganze welt
an sich zu ziehen / mit weit grosser manhait / vernunfft vñ ge
schicklichait / gedachter kampf von gemeltem Laurencio
begangen vñd gehalten / mag niemands vernainen / dan er
hat in warhait die erlogen bullen / über solche erdichte vñd
vñnmeslich geschanckt lautend / gar zuschanden gemacht /
Nitt mit weniger freymütigkait / hatt in kurzueruckten
tagen Doctor Martinus Luther / welchen ich derhalben
Thesum wol nennen mag / disen dreykopffigen hund an
gangen / hat im auch das annder haupt abgerissen / in dem
das er im den obersten stand der Chriſtenhait oder primat /
dadurch er in die ganzen welt lange zeit gerumoret / abge
drungen / vñd die nichtigen erdichten Decretal / mit den al
lertrefflichstn gezeigknussen der warhait / überwunden hat /
Aber hilf herz got / die grausam Bestia / wil so eddelich wun
den noch nit empfinden / dieweil / se das oberst vñnd sterckest

han
noch
flein
mai
wen
Sy
schw
verf
im i
gebe
vnd
gebe
sten
Pec
wah
sich
nun
wöl
ist / a
vñde
abzi
nein
schri
volg
darn
dem
er sic
werd
hirn
wol
ichat
das e
tarff
rey / t

haupt / vnangerastet bliben ist / Ich main / das sy sich ain
nachfolger sant Peters / welcher der oberst vnder den Apo-
stlen gehalten wirt / rümet vnd offentlich außbillet / vñ der
mainung ist / die andern zway heüpter / wie gesagt / abgeha-
wen / sollen auß disem von neuwem widerumb erwachsen.
Sy gibe also für / das der Kayser Constantinus so über-
schwencklich vnmeszig groß gaben in die Römischen kirchñ
verschüt / sey allain sant Peterñ zñ eeren geschehen / welcher
im im schlaff erschinen / vnd zñ entledigung des außsag / rat
geben / derhalbñ er darnach sich des kaiserthümb geüßert /
vnd solches Siluestri zñ handen gestelt / vnd alle kirchen im
gehorsam zñ laisten verschafft / vñ also den primat oder ober-
sten stand der Chrißtenhait gestift habe / welches dan zñ vor
Petro von Christo verhaissen sein soll . Sich zñ der tozhait /
wahr kumptes aber : allain das im das ainig haupt / das er
sich ain nachkommen Petri nennet / noch steet . Diweil ich
nun niemants vermerck / der sich an disem haupt versüchen
wöl / welches doch das fürnemst vnd fundament der andern
ist / wil ich mit der hilff gods / wiewol der krefft gering / mich
vndersteen / im das selbig mit dem schwert der schrifft auch
abzühawen / vñ das yederman disen streyt souil leichter ver-
neiden mög / wil ich mein ritterschafft auß der hailigen ge-
schrifft außher lesen / zñ vorderst in ain ordnung stellen / vnd
volgend damit den feind angreyffen / vñ in also nider legen /
darnach berauben / vñ seine wappen in sagt man geben / in
dem das ich siben plauderey oder krafftlos argumēt / damit
er sich schützen pfligt / mit sterckeren gegenreden umbstossen
werde / Ich wil mich auch nit irren lassen / etliche thumme
hirn / die alles das recht ist ketzerisch schelten / ob mich solche
wol tausentfach für ain ketzer außschreyen werden / so bit
ich auch ainē yeden verstendigen / dē dis büchlin fürkompt /
das er sich den titel vñnd argument nit abschrecken laß / ich
tarffes bey waren treüwen erhalten / das ich kein betriege-
rey / kein lügen / kein listigkeit / mit eingetragen habe / sonđ

die schrifft nach irem natürlichen sinn / den sy mit in bringen / hab ich gebraucht / wer aber etwas vnrechts findē würde / der wöll solches von stund an durchstreichen vnd ausleschen / vñ mich das besser (dañ ich bin bereit darzū) leren / mich verdrüßet nit wie ich zweyfel (wie auch Augustinus von im selber schreybt) zūfragē / so wil ich mich selbst zūstraffen wie ich geirt hab / vor scham mich nit vnderlassen.

Dis büchlin hatt zway tail / das erst tail begreiffet achtzehen vernünfftig vnd auffrichtig bewerung / das sant Peter der apostel / nach dem tod vnser herren Christi gen Rom nie kommen / vnd nit da selbst / sonder zū Jerusalem gemartert sey.

Im andern tail werden gesagt siben loß vsachen der Romanisten / damit sy sich gegen den obgesetzten bewerung schützen vermainen / vnd siben bestendig antwurt auff die selbigen / welche sy ganz abreümen vnd hindan werffen.

Eri gen
innen
dañ es
lain a
gen m
er sey z
dij des
schreib
ren sa
henge
solle i
lin S
das P
Peter
sti / w
Clau
der sta
kunff
mag
auf d
dach
mach
gen X
wi ew
ten / v
es ist
hetter
das n
bet v
beme

Die erst bewertung.

Ich hab mit höchstem fleiß durchlesen / alle bücher der
fürnemsten Theologen vnd historyschreiber / die mir
zūhanden kōmen sein / sagend von der zūkunfft Per-
tri gen Rom / seiner marter vnd tod / vñ nichts anders dar-
innen erfunden / daß eytel zwispaltigkeit vñ vnainigkeit /
daß es stimmet keiner mit dem andern übereins / welches al-
lein ainen bösen won der lügen bey ainem yeden verstandi-
gen mag geben / vñ das ich sy zum teil erzēl / Etlich sagen
er sey zū Rom angelendet / in anhebūg des regiments Clau-
dij des Kaisers / vnder denē ist Drosius der berūmpt geschichte
schreiber. Die andern schreiben das geschehen sein / im ande-
ren jar gedachts Claudij / nemlich Hieronymus vñ seine an-
henger / man findt auch die sagen / das also geschehen sein
solle im vierdten jar Claudij / dise mainung helt das büch-
lin Fasciculus temporum genant . Gegen disen allen sagt
das Passional / darīn der hailgen leben begriffen sein / sant
Peter sey gen Rom kōmen zwaintzig jar nach dem tod Chri-
sti / welches nach der rechnung felt in das dreytzehend jar
Claudij. Weiter die sr Cronicken nach den jaren der welt vñ
der stat Rom außrechen / sein nitt weniger irrig in der zū-
kunfft Petri gen Rom / als ain yeder leichtlich vernemen
mag / Auß dem grossen historien büch Anthonij Sabellici /
auß dem büch Platine von dem leben der Bāpff / vnd auß ge-
dachtē Drosio / welche zwitragt so sy nichts anders thet /
machtedoch ainen zweyfelhafftig / an der zūkunfft Petri
gen Rom / das man dencken möcht / er sey dahin nie kōmen /
wiewol man das ain grosse lange zeit für ganz gewiß gehal-
ten / vñ niemand darwider das maul hat türffen aufthun /
es ist auch nit ferr daruon gewesen / die Rōmischen tyrannē
hetten es vnder die artickel des glaubens eingemischt / auff
das man sunst nicht beweysen mag / von not wegen gelau-
bet vnd gehalten muß werden. Als ich nun beweist hab / das
bemelt historyschreiber vñ Theologi vnder in selber vnainf

B

sein/wil ich fürter anzaigñ/das sy wider den hailgen Paulum / welcher am maisten vnder allen apostlen geschriben/vñ wider den hailigen Lucam/welcher die geschicht der apostel in ain büch bracht/das noch vorhanden offentlich streben vnd handeln/auß welchem allain wol anzunemen/das sr fürgeben nichts anders sey/dañ erdicht fahlen vñ gauckelwerck. Ist nun kein offentlich ort der schriffte/damit solches zübeweren stet/vnnd die gemain history ist so selzam verwirt vnd vngewiß/mag ich künlich sagen/sant Peter sey gen Rom nach dem tod Chussi nie kōmen/wañ wie es war were/so wurd es mit den andern waren schrifften über ain kōmen/als der philosophus sagt/dieweil es aber bey der hailigen schriffte nit beschehen mag/vnnd die historici sein also hefftig vnder in selber widerainander/wer will so herrisch sein/das er es war halte? Bartolomeus Platyna der edel historicus bezeügt vns/das man auff sollich alt vnnd fere historien nit grossen glauben setzen darff/vnd als er schreibe von geschichten die lange zeit nach sant Peteren geschehen/klagt er doch über die mangfaltigkeit der historien/über die lessigkeit der schreiber/über krieg vñ verwandlung der zeit/vnd wirt darinnen verwickelt/das er nichts für warhafftig vnd gewiß aussprechen thar. Ist sant Peter Bischoff gewesen zū Rom/wer ist an sein stat am nechsten nach im kōmen? Sprichst du es sey gewesen Linus/das wirt wider sprechen der lateinisch hauff/vnnd auch vil von den Grecten/nemlich Chrysostomus über die andern Epistel ad Thimotheum da schreibe er also/man sagt Linus sey gewesen der annder Bischoff zū Rom nach Petro. Nun was man schlecht sagt/das ist vngewiß vñ falsch/als Donatus schreibet über Terentium. Wirstu aber dise eer geben Clementi/so werden dir es die andern nit gestatt/sonder Linū herfür rucken/vnd werden Clementi nit an die erst oder ander/sonder an die dritten stat setzen: Frag ich dich weiter/ob Aniceus vor Pio oder Pius vor Aniceto im Episcopat zū Rom

gese
Aus
lust
nig
vñ i
vñ g
ver
best
spr
er s
ain
kai
die
übe
Ye
sch
cen
vn
der
sein
G
in
vo
ver
ge
na
sch
vn
der
der



hailgen Pan
n geschriben/
hicht der apo
ffenlich stre
inemen/das
en vñ gauck/
/damit solch
o selzam ver
ant Peter sey
ñ wie es war
ften über ain
er bey der hai
rici sein also
ll so nerrisch
ryna der edel
lt vñnd ferr
ls er schreibe
n geschehen/
ien/über die
ung der zeit/
warhafftig
schoff gewe
ach im kom
wirt wider
den Greck
kel ad Thi
sey gewesen
n was man
natus schrie
r Clementi/
Zinū herfür
r ander/son
/ob Anice
at zū Rom

gefessen: ob Urbanus vñnder dem Kaiser Diocleriano oder Aurelio Antonio gelebt: ob Cornelius vñder Gallo od Volusiano oder villeicht Decio gelitten habe: die histori ist manigfaltig / vñd man mag nichts gewiß hierinnen fürgebñ / vñ ist solches nit züerwundern / daß auch die neher gezeiten vñ geschicht sein mit den fablen: vñ historischreiber dermassen vertunckelt vñ verderbt / das man mit iren büchern nit mer besteen mag / daß der lugner treybt solchen gewin (als das sprichwort in jm helt) dz man jm auch nicht glaubt wie war er sagt / Diweil nun hierinnen Theologi vñ Historici wiß ainander sein / volget herauß die falschait / daß die vnainigkeit ist ain gezeügnuß der falschait / vñ Aug. leret / man sol die warhait darauß erkennen / wie die schreyber ain trechtig über ainander haltē / vñ kainer wanckelt von dem andern. Vergegenanter Augustinus redend von den schriefften vñ menschen / wie hailig auch die selbigen gewesen / schreibe ad Vincentium (vñd sunst an andern orten meer ad Hieronymum vñd Fortunatum) wie volget dise schriefft (spricht er) sol man der wirde hailiger schriefft nit gleichen / daß jr gezeügnuß sein nichts so krefftig / das man darwid nichts reden darf. So disputiert auch Thomas in den quorliberen / das man in den dingen die auß der hailgen schriefft nicht von nöthen volgen / vñd ain zweyfelkeit bey sich haben / der kirchen nit verpflichtet seind zū glauben / ich wil die Theologos geschweigen. Darum mögen wir wol also beschliessen / sant Peter ist nach dem tod Christi gen Rom nit kōmen / daß die hailig ge schriefft thāt darvon kain meldung / die histori ist vngewiß vñd manigfaltig / die yhenen die es schreyben seind der wir den nit / das man es iren glauben müß / sonderlich diweil sy der sach selber nit ainß sein.

Die ander bewerung.

Die sagen Petrus sey gen Rom kōmen im anfang / andern oder vierdten iar Claudij / das ist im achtē / neündten oder ailfften iaren nach dem tod vñd

B ij

fersherren / werden gestrafft von den andern / welche schrey
ben / Petrus hab sich gegen auffgang der sonnen fünf (oder
als der ander tail helt) sibem jar gehalten / darnach zu An
tiochia den Bischoflichen stül sibem jar besessen / vñ volgend
etlich zeit in Ponto Galathia Bichynia / vnd vmbligendü
lendern Asie zübracht / welches so es ainen bestand hatt / so
ist er vor vierzehen oder fünffzehen jaren nach dem tod Cri
sti / das ist vor dem sibenden oder achtē jar Claudij gen Rom
nit kōmen / das mag auch besteen neben sant Luca in Act.
Apostolorum am xv. capitel / da er also schreibet. Als zwisch
en etlichen auß der secta der Phariseer an ainem Paulo vñ
Barnaba am andern tail / ain zwitragt erwachsen / ob die
Haiden / welche den Christen glauben annamē / die beschnei
dung vnd gesetz Moisi auch halten müsten oder nit / sein sy
baid tail / zu entschaidung des kriegs / gen Jerusalem geray
set / da ist worden ain versamlung der Aposteln vnd eltern /
darinnen Petrus zum ersten das wort gehabt / wiewol man
mit der stim vñ mainung Jacobi / des Jerusalamitanisch
en priesters beschlossen / Auß disem ist klar das Petrus gen
Rom noch nit kōmen / sonder mit Jacobo vnd etlichen an
dern zu Jerusalem bliben war / oder villeicht im jüdischen
land gepredigt / vnd sich dazumal gen Jerusalem widerum
verfügt hat. Nun seind vil lerer der mainung / als bezeügt
sant Jeronimus über die Epistel ad Galathas / das solchs
geschehen sey vmb das achtzehend jare / nach der himelfart
Christi / welches glauplich ist / so ainer die geschicht der Apo
steln ordenlich betrachten vnd überlegen will / welchem sol
man nun billicher glauben geben : dem euangelisten Luce /
welcher das gesehen / oder von sant Paulo seinem wander
gellen gehört hat / oder den opinion der historienschreyber /
vnd Theologen / welche vnder ainander kriegen : müß vnd
solich nun zülassen das sant Peter im neündten oder ailff
ten jar Claudij gen Rom sey kōmen / vnd hab alda das Epi
scopat besessen xxv. jar / so ist er nit von Nerone / sonder von

De
ges
den

H

mic
dur
trib
fel
ben
den
iag
san
die
sch
vol
sein
so
Ch
wel
stel
Aq
san
het
sch
fan
vñ
lan
all
wei
jne
sch

Despasio gemartert / welches noch niemand gesagt oder
geschriben hat / vñ ist hier auß offenbar klar / das er im neun
den jar Claudij nit hat mögen gen Rom sein kōmen.

Die dritt beweysung.

DAs wöllen wir nun weiter bewerren / Tranquil
lus im leben Claudij schreibe / die Christen zu dem
selbigen zeitten auß Rom vertriben sein worden /
mit der gleichen worten. Claudius hatt die Juden / die da
durch anregen Christi aufrür machen theten / auß Rom ver
triben / daselbst setzt der Historicus Drosius in ainen zwey
fel / ob die Juden wider Christum auffgestanden sein / derhal
ben sy Claudius vertriben hab / od ob er die Christen sampt
den Juden / als die gleichmessigen glauben hielten außge
tagt. Het aber der Drosius die geschicht der Aposteln vñnd
sant Paulus episteln mit fleiß übersehen / er het funden das
die Christen vonn bosheit wegen der Juden / welche durch
schalckhait vñd vntrew den Kayser vñ das ganz Römisch
volck wider sich gerayt hetten / sampt inen außgetriben
sein worden. Der apostel Paulus schreibe zu den Römern al
so Grüsset Priscillam vñnd Aquilam meine mitthelfer in
Christo Jesu / die für mein seel ire helff dargestreckt haben /
welche / wo sy nit güte Christen gewesen weren / wurd der apo
stel nit gesetzt habñ vnder den / die er so herzlich grüsset disen
Aquilam (dieweil er der geburt nach ain Jud ware) wiewol
sampt seinem eeweib Christenlichen glauben angenommen
hett / nennet Lucas in Act. apostolorum ainen Juden also
schreybend. Als Paulus von Athenis gen Corinthum kam
fand er ainen juden Aquilam genant / auß Ponto bürtig /
vñd sein eeweib Priscillam / welche kurz dauor auß welschñ
landen kōmen waren. Darumb das Claudius het gebotten
allen Juden von Rom abzuziehen / er gieng zu inen / vñ die
weil sy aines hantwercks waren / wonet vñnd arbeit er bey
inen / vñd das niemand zweyfel das Christen gewesen sein /
schreibe Lucas am end des achtzehenden capitels sprechend.

B ij

Ein Jud mit namen Apollo von Alexandria bürtig / ain
wolredender man / kam in die stat Ephesum / vnnnd war ge-
schickt in den schriftten / diser war etwas gelert in dem weg
des herren / vnd er predigt vnd lernet / die ding Ihesu fleissig
vnd mit emsigem gaist / Aber er wiste allain den tauß Jo-
hannis / welchen als vermerckten Priscilla vnnnd Aquila /
namen in zü sich / vnd auflegten im den weg des herren / mit
grossen fleiß / diß seind die wort Luce / darzû das dises ganz
Capitel bezeüget / das Priscilla vñ Aquila / auß Juden Chri-
sten worden seind / also bewert das auch der apostel Paulus
am end seines lebens zü seinem in sonderhait geliebten disci-
pel Timotheo schreybend also / griß mir Priscillam vnnnd
Aquilam / auß welchem zümercken / das sy nit allain Chri-
sten / sonder fürtreffend Christen gewesen sein / dieweil sy der
Apostel allzeit / wie er thun künd / so hertzlich vnnnd brüder-
lich grüßt . Mich geet nichts an das Scapulensis in den
baiden episteln / ad Timotheu vnd ad Romanos / diß wort
verwandelt / vnd list / eüch grißte Priscilla vnd Acyla / oder
Prisca vnd Acyla . Ich wil diß tails vil lieber nachuolgen
Origenem / Chisostomü / Ambrosiü vnd vil meer übertreff-
fend lerer / züvoran die alt außlegung / welche an disem ort /
Doctor Erasmus auch nit endert . Warüß türffen wir nun
nit sagen / Petrus sey im neünten jar Claudij noch nit
gen Rom kommen / dan wie hat er dazumal dahin vermöcht
zükömen / da der Kaiser vnd ganz Rom / der massen wider
alle Juden vñ Christen erzürnet waren / das man sy all her-
auß trieb ? Ist er nun nach diser zeit gen Rom kommen / vnd
fünffundzwainzig jar da bliben / so müß man seinen tode
Vespasiano züschreyben / welches nit glaublich ist von ai-
nem so gütigen Fürsten / so hats im auch noch niemands zü
zügemessen vnd schuld geben .

Die vierde bewerbung.

Das sant Peter auch im zwainzigsten jar nach der
martrer oder auffart Christi noch nicht gen Rom

Kom
auf
im d
fond
niem
barl
der s
gen i
verg
sey /
er P
von
dert
vnd
Kom
den
acht
Jac
das
gehe
en st
Ala
da t
eren
bill
ang
nich
solch
also
lebst
uers
Haf
stra
schit

a bürdig / ain
vnd war ge
re in dem weg
Ihesu fleißig
den tauff Jo
vnd Aquila /
es herren / mit
as dises ganz
ß Juden Chri
postel Paulus
geliebten disci
scillam vnd
t allain Chri
diereil sy der
vnd brüder
ulensis in den
nos / dirz wort
d Acyla / oder
r nacholgen
eer übertreff
an disem ort /
rffen wir nun
dij noch nitt
hin vermöcht
massen wider
an sy all her
kommen / vnd
n seinen code
ich ist von ai
niemandro zu
n jar nach der
icht gen Rom

Kommen sey / wöllen wir nun ferrer bewerren / vñ nemen das
aus der episteln Pauli an die Galather / da er schreybt wie
im die verkündung des Euangelij von kainem menschen /
sonder von Christo beuolhen sey / vnd dirz zübeweyßen / das es
niemand wunder neme / sagt er / wie er nach seiner wunder
barlichen beker nüg nit gen Jerusalem zü den Apostlen / son
der stracks zü in Arabiam gezogen / vnd darnach widerumb
gen Damascum kommen / vnd dan allererst / als dreü jar
vergangen waren / gen Jerusalem Petri züsehen / geraiset
sey / vnd schreibet witter / er sey nach fünffzehen tagen / als
er Petrum vnd Jacobum den brüder des herren gesehen het /
von Jerusalem in die gegenhait Syrie vnd Cilicie gewan
dert / vnd hab Barnabam vnd Titum zü im genommen /
vnd sey über vierzehen ganze jar widerumb gen Jerusalem
kommen / das er wolt von dem Euangelio / das er in den hat
den predigt hette / mit den / so man die seul der aposteln thet
achten / ain vnderred haben / daselbst hat er Petrum sampt
Jacobo vnd Johanne widerumb funden / hieraus ist klar
das Petrus vñe ganze sibenzehen jar (dafi thü drey zü vier
zehen / so hast du sibenzehen) zü Jerusalem vnd vmbbligend
en stecten sich gehalten hat / vnd nit gen Rom kommen ist /
Als sy nun baid ain weil neben ainander gewonet herten /
da traff Paulus Petrum an zü Antiochia / vnd straffe in
erensflich / das er dem Euangelio nicht nach gieng wie er
billich thün solt / dan er wolt mit den Haiden die Christum
angenomen herten / in beywesen / der von der beschneidung /
nicht essen noch offentlich gemainschafft haben / vnd hat in
solcher gleyßnerrey andere mit im verfür / Paulus schreybt
also / Ich hab gesagt Petro vor allen / bist du ain Jud vnd
lebst nach dem Haidnischen sitten (welches von der speiß zü
uersteen) vnd nicht nach den Jüdischen / wie wilt du dan die
Haiden zwingen / den Juden nachzünolgen : zwischen diser
straffe / vnd dem das sy darvor am nechsten von ainander ge
schiden waren / muß erliche zeit verlauffen sein.



Item Paulus hat Christum nitt so bald erkent nach seiner auffart / daß er gewesen war bey dem tod Stephani / vñnd het darinnen ain sonderliche freud vñnd wol gefallen. Actus am sbeuden stet also / die gezeügen haben gelegt ire klaiden neben die füß des sünglings der genant ward Saulus. Am xxij. capitel des selbigen büchs / spricht Paulus klagend zu dem herren Christo also. Als vergossen ward das blüt Stephani deines gezeügen / bin ich darbey gestanden / hab mich verwilliget / vñ die klaiden derē die in tödten / verwaret. Also sichst du das von der auffart Christi / biß auff die straffung Petri (yezund bemelt) sein wol zwainzig jar verlaufen. Soll ich nun dem gegentail zugeben / das er zwainzig jar nach der auffart Christi gen Rom kommen / das ist gewesen das dreyzehend Claudi / thū darzu die xxx. jar die er Papst sol sein gewesen zu Rom / so kumpt sein tod in die herschung Vespasiani / welchs als offentlich falsch alle historien thū verwerffen. Ich wil dir rechnen von jar zu jar / das klar genüg werde / der herr Christus hat sein hailige predig angefangen im fünffzehenden jar Tiberij Luce iij. Als er dieü jar vñndetlich monat gepredigt / hat er seinen bittern tod zu erlösung der welt gelitten / das ist gewesen im achzehenden jar Tyberij / oder ain wenig darüber / darnach hat Tyberius kaum dreü jar gelebt. Nach im ist Kaiser gewesen Caius Caligula drey jar / zehen monat viij. tag vñ also umbbracht worden. Claudius des nachkommender ist im vierzehenden jar seins kaiserthümb gestorben. Nero hat auch so lang regiert. Ocho Syluius hat darnach das kaiserthümb überkommen / vñnd innerhalb lxxxv. tagen ainem andern übergeben. Darnach hat Aulus Vitellius acht monat regiert. Nach dem ist kommen Vespasianus / vñnd zehen jar das kaiserthümb besessen / vñnder welchem die Christen zu Rom in güeten friden gerüwet / vñnd mit kainer veruolung belaidigt sein worden. Was sol das nun für ain groß vnrecht sein / dz wir disen allergütigsten Kaiser / mit dem tod Petri wöllen beslecken.

K

lig Ap
bezeüg
rinchi
schibe
nasus
hat er
schibe
den el
verun
schaffe
doch d
su. In
vñnd die
auffne
allen
zum d
wen P
schäcke
dern n
den wa
lich die
nemlic
Aquil
Petru
gegrüß
vñnd al
ist ain
Rom r
lich sch
am tag

Die fünfft bewerung.

Nach als sant Paulus zu den Römern geschriben/
ist Petrus alda nit gewesen / als die epistel mit sich
bringt / die selbig epistel ist kündlich / das sy der heilig
Apostel langsam geschriben hab / dan (wie der Digenes
bezeugt) er ist vil volkömlicher darinnen / dan als er den Co
rinthiern schryb . Derhalb Digenes haben will / das sy ge
schriben sey nach baiden episteln an die Corinthier / vñ Atha
nadius dargu nach d ersten zu den Thessalonicensern Nun
hat er die zwu an die Corynthier nit hart auff ainander ge
schriben / dan in der ersten strafft er hertiglich / ainen von
den eltern der kirchen / welcher mit seines vatters weib sich
verunrainigt hett / Gebeüt den selbigen vonn der gemain
schafft zuwerwerffen / vñ gibt ine in den gwalt des teüfels /
doch das die seel behalten werd / auf die zukunfft Christi Jhe
su. In der andern hat er den selbigñ / nach dem er sich beuert /
vnd die sünd bereüwet vnd bewainer hett / haissen widerumb
auffnemen in die ainigkait der gelider Christi . Nach disem
allen als er auch an die T essalonicenser geschriben / vñ nun
zum dritten mal gen Corinth kōmen war / hat er bey der fra
wen Phebe Cencherensi / die epistel zu den Römern über ge
schickt / in welcher Epistlen am end / hat er vil von den brü
dern nemlich gegrüßt / die / so von seiner predig glaubig wor
den waren / vnd die im sunst güttat erzaigt herten / sonder
lich die fürnemsten Bischoff vnd eltern der selbigen kirchen
nemlich Narcissum Andronicū / Julian / Priscillam vñnd
Aquilam / wer will nun zweyfelñ / het Paulus sich versehñ
Petrus wer zu Rom gewesen / das er in auch nit solt eerlich
gegrüßt haben / dan er hat in sonder zweyfel des Apostolats
vnd alters halben / nit in geringern wurden gehalten / dis
ist ain vnuerwerffliche beweyfung / das Petrus die zeit zu
Rom nit gewesen / derhalb sich die Römisch listigkait bil
lich schemen solte / dise eer zu sich zuziehen / dan es offent lich
am tag falsch ist.

C

Die sechste beweysung.

Wytter anzuzaiigen das Petrus zu Rom nit gewese
sen sey / als Paulus dahin geschriben / Schreybe
Ambrosius über die selbig Epistel / er hab in etlich
en alten büchern gelesen / Narcissus / welches haufigesünd
Paulus griessen laßt / sey dazmal ain Priester zu Rom ge
wesen / vnd hab die glaubigen gesterckt / mit ewilichem ver
manen / solches thet der yetzig Römisch Bischoff in kainen
weg / dan es ist nichts weiter von im / dan die verkündung
gotes worts / derhalben sigt er über tag dabaimen als ain
lamer Schuster (als Plinius scherzlich spricht) den bauch
füllend mit güten schlechtigen bislen . Es sey dan das er zu
weilen sich beschawen zülaffen / heraussert kreucht / auffspa
larium Lateranense / oder auff vnser materi widerumb zu
kōmen / sollen wir wissen das die Christlich kirch in irem an
fang / kein oberst Bischoff / Cardinal / Patriarchen / Erz
bischoff genant / gehabt / sonder nit meer dan zwen gaislich
orden / die Priester vnd die Diacon / solches ist zuuermercken
auff der episteln ad Philippenses / Paulus (steet alda geschri
ben) vnd Thimotheus die knecht Jesu christi / Allen hailgñ
in Christo Jesu die sich enthalten zu Philippis / sampt den
Bischoffen vnd Diacon zc. dan Priester / Bischoff / die edte
ren / wer als ain ding / wie das ganz lauter vñ klar auff den
Epistolis Pauli erscheint . Dazzu in Acti . Apostolorum
spricht er also zu den priestern der Ephesiner kirchñ / dieweil
euch der hailig gaisst gesezt hat Bischoff zuregieren die kirch
en zc. Auch sant Peter / welcher ain priester war viler kirch
en / schreibend zu den priestern der zerstrawung Ponti Gala
tie Capadocie Asie Bithynie / nennt sich seniorez / das ist ai
nen alten sagend / Ich alter vnd gezeug des leydens Christi /
bitt die eltern vnder euch zc. Von den tyrannischen namen
des obersten priesters hat er nichts gewisst / er wurd auch ai
nen grauwen darob empfangen haben / Vñ die sach weiter
zuuersteen / dise waren Priester genant / die der kirchen für

ständer
ersten
sehen /
hab ich
wil / be
uelch g
ain pri
oder B
ligend
get hab
erlicher
zwen v
nung i
Paulu
meine r
de Apost
Priscil
Ambros
andach
Römer
mit dise
fer in C
haben /
ters daz
massen
Narciss
Apostel
die nit z
zu Rom
eltern /
nit geg
schaffe
Jerusal
zum kai

stunden/sam oberst oder regierer/darumb der Apostel in der
ersten Epistel ad Timotheum spricht/die priester so wol für
sehen/sein zwifachs lobs würdig/vnd ad Titū. Derhalben
hab ich dich in Creta gelassen/dz da etwas gebuch entsteen
wil/besserst vnd bestellest priester durch die ster/wie ich dir be
uelch gethon / darumb das Ambrosius sagt Narcissus sey
ain priester gewest zu Rom/sollen wir versteen ainen eltern
oder Bischoff/der nit allain die Römisch/sonder auch vmb
ligend kirchen(das ist versamlung/Christen heüßlin) versor
get hab/des selbigen gesind/grüßt auch Paulus irer sond
erlichen tugent halben/darzu Andronicus vnd Julias/
zwen vō den zwenundsibenzig Apostlen/als Digenis ma
nung ist/wārn die selbig zeit auch zu Rom.die selbigen lobt
Paulus in disen wortē. Grüßt mir Andronicū vñ Juliam
meine vettern vñ mitgefangnen/die da groß lob haben vñ
dē Aposteln/vnd vor mir seind gewesen in Christo Jesu. Itē
Priscilla vnd Aquila/seind nit vergebens da gewesen/als
Ambrosius bezeügte/die selbigen/als sy emsig waren in der
andacht/derhalben gelaubt wirt/das sy zu bestetigung der
Römer geschickt seind worden/Paulus gedenckt irer eerlich
mit disen Worten/grüßt Priscillam vñ Aquilam meine helf
fer in Christo Jesu/die für mein seel/ire helf dargestreckt
haben/darumb mag ich nit vernemen/was Rom sant Pe
ters dazumal bedürfft hab/als ainen alten herren/vñ der
massen außgedient het/dañ es waren da ire aigen Priester
Narcissus/Andronicus vnd Julias/zwen eerlich auß den
Aposteln/Aquila vñ Priscilla/gewercken des Euangelij/
die nit zūerachten waren/darumb ist er sonder zweifel da
zu Rom nit gewesen/dañ dieweil Paulus gegrüßt alle die
eltern/seine freünd vnd bekānten/wie solt er Petrum auch
nit gegrüßt haben/mit welchem er ain vnzertailbare fraine
schafft angenommen het/vñ welchen zūerkeñen/er vorhin gen
Jerusalem geraiset war? Hier auß ist scheinbar/das er biß
zum kaiserthumb Neronis noch nit gen Rom war kōmen/

ist er nun fünffundzwainzig jar da selbst gefessen / von wem
ist er getödt worden? Allhie hüssen die Römischen schmaich-
ler / zugleicher weiß als die bösen singer / vonn welchen das
sprichwort gemacht ist / wañ die singer nimmer künden / so
hüssen sy ainess.

Die sibend bewerung.

Herher gehörte auch wol / dz Paulus schreibt ad Ga-
lathas. Wir ist bevolhen das Euangelii den vn-
beschnitnen züerkünden / gleich als Petro den be-
schnitnen / dan der Petrus hat bestelt vnder die Juden / der
hat mich verordnet zü den Haiden / volgend sagt er / wie Ja-
cobus / Petrus vnd Johannes / mit im überain kómen wa-
ren / das sy das euangelii den Juden predigten / Paulus vñ
Barnabas den haidn / wie hat nun Petrus disen fürtracht
so bald vergessen vnd gebrochen / vnd hat sich frembds ge-
schefft vnderstanden / dan Rom war die miter der ganzen
haidenschafft / oder warumb hat er in so vil jarn ee Paulus
gen Rom kam / auch den Juden daselbst nit gepredigt / dan
(wie Lucas sagt in Act.) als Paulus kam gen Rom / spra-
chen die Juden zü im / von deiner secten die du außschreyest
wissen wir nichts / dan das man ir allenthalben widerstre-
bet / wir bitten aber / wöllest vns dein mainung nit bergen /
dan von dir haben wir noch brieff / noch annder botschafft
von vnsern brüder empfangē / Da hñb nun der hailig Pau-
lus die kostbarlichen vñ volkómen predig / vom morgen bis
an den abend redend / etliche glaubten / die anndern wolten
nit glauben / vnd als sy da vil neüwe vñ unbekante ding ge-
hört hetten / wurden sy vnainß vnd hüben sich an zü anckn /
Was hat nun Petrus zü Rom gemacht / wañ den Juden
die wort Pauli new vnd vngehört waren / dan sy sprachen dz
sy kainen meer gehört hetten / der inen der selben secten ge-
sez vnd gewonhait verkündigt het . Derhalben baten sy all
zúsamē aintrechtiglichen Pauli zú sagen sein mainung /
Nun sich zü / wie glaublich ist das sant Peter zü Rom sey ge-
wesen.

C Die acht beweyfung.

W Ir sein nun kommen an die gezeit / da Paulus zu Jerusalem bezwungen von der bosheit der Juden / hat appelliert an den Kaiser / vñ ist mit grauen

samen Ketten gefangen / gen Rom gefürt worden / daselbst zwey ganzes jar / in seiner gemüthen behausung / als in ainer gefencknuß bliben / welches nit ain klaine behausung war / als Hieronymus über die Epistel ad Philemonem thüt bezeugen / daß teglich vil schar der Juden dazu flussen / vñ als Lucas sagt / er nam alle die zu im kamen auff / verkündigen das reich gotes / vnd lerend die ding die da seind von dem herren Christo / freymütig on alle ver hinderung / vnd zoch die menschen zum glauben Christi mit worten vnd schriff ten / daß er hat vil bekert / nit allain von dem gemainen volck / sonnder auch von dem hoffgesünd des kaisers Neronis / der halben schreibt er also ad Philippenses auß der selbigen sei ner gemüthen behausung / Luch griessen alle hailgen / züvor die vom hoff des Kaisers / er hat etlich sonnder brüeff voller gütchet / vermanung vnd götlicher lere / in der selbigen gefencknuß abgefertigt / auf das die kirchen Christi / die er vor hix schon vnderwisen het / in seinem abwesen in kain abfall kernen / vñ die er mit der leylichen stim nit errreichen mocht / hat er dieweil mit schriff ten vermant / ires stands eingedecktig zü sein / vnd von Christo nit abzüwencken / sonderlich hat er den Galatern die nach seinem abschid / von den falschen lernern verfürst waren / ain epistel vñ Rom zügeschriben / vñ sy erinnert / auch mit hefftigen scharpffen wort / das sy sich mit kainer lay listen oder betrug von Christo abweyssen lassen sollen / bezügend mit gott / das alles was er sy gelernet vnd gehaisen / von kainem menschen / sonder allain von der gütigkeit Jesu Christi / on in kōmen sey / das sy den selbigen leren vñ geboten / so veste glauben geben sollen / wie auch ain engel von himel / oder er selber zum andern mal zü inen kommend / anders lernen wurd / solchs für nichtig vñ falsch

zuerachten / vnnnd dem kainen glauben zugeben. In diser
Episteln gedenckt er wol Petri zu etlichen malen / dan sein
gezeitung war im nit vnnutz zu beuestigung seiner main-
ung / Er gedenckt sein / aber nit als seines mitgesellen zu
Rom / oder das er von der selben epistel irgen wissen trage /
oder der selbigē zufal gethon hab / oder thun woll / wer nun
sant Peter die zeit zu Rom gewesen / sonder zweyfel er het sy
auch seinthalben gegrüßt / Auff das / so sy gehört hetten den
namen dises grossen Aposteln / sich deser belder bekert / vnnnd
von der vnrechten lere abgewendet hetten / dieweil der Apo-
stel nun das nit thut / ist's ain krefftige anzaigung / das Pe-
trus die zeit zu Rom nit gewesen / vnd diß ist geschehen funff
undzwainzig oder wie die anndern schreyben / sibend-
zwainzig jar / nach de leiden oder auffart Christi. Item in
der Epistlen ad Ephesios / welche auch zu Rom geschriben /
thut er gleicher weiß kain meldung von Petro / so er doch
sunst in steter gewonhait gehabt / die glaubigen von seiner
michelsser wegen alle mal zugriessen.

Die neinde bewerung.

Solche vnser mainung das Petrus zu Rom nit ge-
wesen in den zeiten Pauli / beuestigt auch der send-
brieff / welchen Paulus durch Epaphroditum / den
Philippensern zugeschriben / darinnen vermant er sy manch
erlay sachen vn gibt inen sein wesen zuerkennen / sonderlich
was er zu Rom hab außgericht zu nutz dem Euangelio / sa-
gend / das von seiner wegen das Euangelium zu Rom ist ge-
predigt worden offentlich von allen / mit gleichmessiger ar-
bait / aber nit in gleichmessiger mainung / dan etlich / so ain
starcken vnerschreckten gaist empfangen hetten von der ge-
fenccknus vnnnd bestendigkeit Pauli / predigeten auß gut-
ter Christlicher mainung / on alle forcht / etlich aber ruff-
ten das euangelium auß / allain Pauli zubeschedigen / dan
sy dachten / den tyrannen Teronem / der dem name Christi
gehaß war / an in zu raizen / das er derhalb von des Euan-

gelij verkündung abgeschreckt / vñnd villeicht grausam ge-
strafft wurde / dan die feind gemainlich am ersten züchün
pflegen / was sy am ersten vermainen ainem züschaden kom-
men / Paulus aber ließ sich nit anfechten wasserlay main-
ung sy das Euangelium außschryen / es gelangrejm auch
zum leben oder zum tod / allain das Christus in das volck ge-
bracht / vñd sein nam in die welt außgebraitet wurd / dan er
wolt lieber sterben vñd dem Euangeli nutz sein / dan leben
vñ dem Euangelio vñnutz sein. Es ist wol zünerwundern /
wer Petrus dazumal zü Rom (dan nach der Romanisten
rechnüg / müßt er lange zeit bereydan sein da gewesen) wie
wer es dan den Römern so verschmechlich / den namen Chri-
sti von Paulo zühörn / das man auch etlich schalckhafftig
büben allain der mainung / angestellt hat / das sy in 3 gestalt
als predigeten sy Cristum / Paulū vñd leben brechten / od
ist villeicht souil jar Petrus irgen verborgen gelegen / vñd
hat das Euangelii verborgen / auff das er dem tyrannen
nit in die hend keme vñ den nachstellungen / der feind Chri-
stlichs namen souil dest baß entgeen möchte / het er aber zü
vor gepredigt / vñd Rom het in gedultig gehöret / was bekü-
mert sich dan Paulus? dan wen der Tyrann schon wütend
worden / wer es doch alles über Petru (als den der das euang-
gelium dahin gebracht) vñd nit über seinen kopff gangen /
Dartzü am end der selbigen Episteln spricht er / Lich grüß-
sen alle hailgen / sonderlich die vom hoff des Kaisers / er solt
gesagt haben / sonderlich Petrus vnser fendrich / vñd ist auß
disen allen kund / das dieweil Paulus zü Rom gefangen ge-
legen / Petrus nit da gewesen sey.

Die zehend beweyßung.

Paulus / als er schreybt den Colosensern durch Ty-
chicū vñd Onesimū / knipffte binden an den brieff /
Lich grüßt Marcus mein mitgefängner / vñnd
Marcus der vetter Barnabe / vñ Ihesus der gehaißen wirt
der gerecht / welche sein auß der beschneydung / dise sein al-

lain meine helffer in dem reich gotes / vnd mir trostlich ge-
wesen / Euch grieszt eüwer lantzman Epaphras ain knechte
Christi / eüch grieszt Lucas d' artzt mein hertzliebster freünd /
vnd Demas / sich wie eigentlich zelt er nach ainander seine
gehilffen (die dazumal neben im waren) in dem reich gotes /
das ist in der kirchen Christi / dan wie Gregorius sagt zu vil
malen in d' hailigen schrifft / wirt die zeitlich Cristlich kirch
genant das reich der himel / als der herz selber in Luca ge-
sprochen hat / das reich gotes ist vnder eüch / derhalben auch
Paulus spricht / dises allain seind meine gehilffen im reich
gotes: was hat da Petrus gethon: hat er sich als ain abge-
arwaiter Ritter in rüw gesetzt / vnd nach seinem vermügen
nit geholffen dem Euangelio / vnd ist kain mitarbeiter ge-
wesen: Solches von dem hailgen Petro züglauben graufte
mir / Darumb Petre dazumal bist du nit zu Rom gewesen /
dan bist du dar gewesen / vnd hast Paulo Christum zupredi-
gen kain hilff vnd fürschrub gethon / so werest du gewesen ain
Apostel der yhenigen rott / die Christum niderdruckt / nit die
in pflanzet / dan ain yedes reich in sich getailt wirt verwi-
sten / vñ ainhausß darinen wirt fallen auff das ander.

Die ailffe bewerung.

Onesimus auß Phrigia bürtig / als etlicher main-
ung ist ain knecht Philemonis Colosensis / het sei-
nem herren etliche güter empfrendet / vñ kam also
flüchtig gen Rom / vñ als er allda Paulum von Christo pre-
digen gehört / hat er Christum in der tauff an sich genomē /
vnd sein gewissen züentledigen vnd rainigen / hat er Paulo
bekent / die beschwerung vñnd schaden / so er seinem herren /
durch sein vntrew zügefügt hat / Paulus sach an die reüw /
vnd güte mainung gedachts Onesimi / vnd schrüb ain hübs-
ches fraintlichs büeslin seinem herren Philemoni / fraine-
licher mainung bittend im solche begangne übelthat züuer-
geben / mit erbietung erstattung züthun / was er schadens an
gelt oder geltes wert / durch Onesimi flucht gelitten het. Im

trostlich ge-
s ain knecht
ster freünd/
inander seine
reich gotes/
s sagt zu vil
ristlich kirch
in Luca ge-
halben auch
ffen im reich
ls ain abge-
n vermügen
arbeiter ge-
iben graust
om gewesen/
um zu predi-
gewesen ain
uckt/nit die
wirt verwi-
ander.

icher maim/
nsis/ her sei/
vñ kam also
Christo pre-
h genomen/
at er Paulo
nem herren/
on die reiw/
ib ain hüß/
ni / fraine/
lchar zu ver-
chadens an-
ten her. Im

anfang solcher episteln / als er grüßt den Philemonem / sein
hausfraw Appiam / vnd den Bischoff Colosensischer kirch-
en Archippum / auff das er sein bitt so vil desto erlangen
möcht (als Chrysostomus sagt) setzt er auch den namen Ti-
mothei schreybend / Paulus ain knecht Christi Jesu vñ sein
brüder Timotheus Philemoni zc. Warumb hat hie Pau-
lus den namen Petri dahinden gelassen / vnd Timotheum
dargesetzt: on zweifel der Philemon hat sich vil eer lassen er-
bieten / durch den namen Petri / so aines hohen Aposteln.
Ich scheme mich von wegen verlauffner zeit / welche die ge-
schrieffte Pauli mit matten vñ staub bedeckt vnder den benck-
en gelegen / von yederman verschmecht / auß welchem allain/
so man sy fleissig überlesen / her man fürkommen mögen / souil
grausamme yrtumben in der kirchen erwachsen / dann wie
möchten wir teülicher sehen das sant Peter zu Rom nit ge-
wesen / wañ in diser episteln welche von Rom ist außgeschick-
et durch den Onesimū. Nun laßt sehē ob er vñ vielleicht ernach-
her Philemonem vñ Archippū von s. Peters wegen grüssen
werde / wie lautet die Epistel am end: dich grüßt Epaphras
mein gesell in der gefencknuß / Marcus Aristarchus / De-
mas vnd Lucas meine helffer / Fürwar vn selig ist Petrus /
so er dazumal zu Rom gewesen / vnd Paulo in diser hailsam-
men arbeit nit hilff vnd beystand gethon het.

Die zwölfft bewerung

Als Paulus nun zway jar also gefangen gelegen /
vnd ain grosse menig zu Christenlichem glauben be-
kert / vnd mancherlay episteln zu den kirchen allen
thalben geschriben / hat in Nero ledig vnd los gezelt / vñnd
auß dem kercker zülaffen verschafft / als er selber bezeügnuß
gibt Ad Timotheum / ich bin erlöset vñnd dem maul des Lö-
wen. In den ersten fünff jaren der regierung Neronis ist di-
se gefencknuß Pauli gewesen / von welchem Traianus der
Kaiser sagen pfligt / Alle Fürsten sein weit von den fünff ja-
ren Neronis / dan er war dazumal so güttig / senffmütig /

D

freüntlich vnd messig / das auch Tranquillus bezeüget / er habe sein Regiment in allen tugenden angefangē / Er war in disen ersten fünff jaren so barmherzig / das er sich auch beschwert vnderzuschreyben (als dan̄ gewonhait war) an die peinlichen vrcail über übelchäter gefelt . Es war ainest ainer zum tod verurteilt. Nero solt sich vnderschreibē / da hüß er an vnd sprach / ich wole das ich kein büchstaben künde / als er noch in solcher güttigkeit vnd tugent gestanden / hat er Paulū auch los geben / Aber in den letzten neun jaren seines regiments / war er so grausam blücturstig vñ mit aller vntugent vermackelt / das er in allen lastern / alleergestemenschen vor im gewesen thet übertreffen / wiewol Josephus im xx. büch von den alten geschichten der Juden am vi. Cap. mainet die History von Nerone seien zumal vngewiß / dan̄ er spricht vil hab̄n vom Nerone history geschriben / zum tail auß freüntschafft vnd gunst haben sy die warhait geschriben / zum tail auß haß vnd feindschafft haben sich so weit mit lügen verwickelt / das sy offenclicher straffwort wirdig weren. Darumb als nun der Nero wie ain tyrann wütend worden war / zeh̄n jar nach seiner erlösung kam der Apostel Paulus zum andern mal in gefencnuß / vñ ward vil grausam̄ vñ vnbarmherziger gehalten / dan̄ zūvor. In diser gefencnuß hat er die andern Epistel ad Timotheū geschriben / darinnen er auch seiner ersten gefencnuß gedenckt also. Als ich mich zum ersten vor dem tyrannen vertedingen hab müssen / ist mir niemands beygestanden / ich bin von allen menschen verlassen worden / es müß inen nit zūgeachtet werden / aber der herr stünd mir bey vñnd trost mich / das durch mich erfüllet wurd die predig / zū gebörden haiden / vñ ich bin erlöst worden vom maul des löwen / wo mainstu Petri dazumal gewesen sein / on zweyfel zū Rom ist er nit gewesen / sunst wurd er Paulū / als er sich vor Nerone entschuldiget / vñ sein leben vertedingen hat müssen / nit verlassen haben / dan̄ wie er solches gethon / wißte ich in nit züentschuldigen /

Darumb ist es tausentfach glaublicher vntd besser Petrus
sey zu Rom nie gewesen / dan im solche grosse schand / das er
Paulum verlassen / anzubedencken.

Die dreyzehend bewerung.

GSleyt offentlich am tag / das der euangelist Lu-
cas der dichter des büchs von den wercken der Apo-
steln genant / ain steter gesell Pauli ist gewesen der
ganzen raise / vñ an Kindes stat von im geliebt worden / dan
er sein auch an vil enden thut gedenden / sagend / das er ain
seer groß lob hab im Euangelio / Dartzu als alle andere vñ
Paulo abdrungen wurden / allain diser blib stetigs bey im /
vnerschrocken vor trawen / vor banden / vor allerlay veruol-
gung / Diser Lucas hatt die selbig raise (wie noch heütigs
tags vorhanden) beschriben / so ferr / bis Paulus von Jeru-
salem gen Rom gefangen gefürt / vnd in ainer genöden be-
hausung / von ainem kriegsknecht bewart worden / als das
am letzten capitel volkömlich angezeit / wie Paulus ge-
fangen gen Rom kommen / wie im die Bänder die andern Cri-
sten / bis an die stat Forum Appii entgegen gangen / wie er
am dritten tag seiner zukunfft / die Juden zu im gefodert /
angesprochen vnd mit disputieren vmbgetriben hat / vñ des
dings meer / von Petro aber thut er kein meldung in kainen
wort / schreibe auch nit / ob in Petrus in disen zwaiien jaren
angesprochen hab oder nit / ob was er sunst gemacht / dieweil
Paulus so emsiglich das Euangelium predigt / vnd es wirt
doch darfür gehalten dise history Actuum / sey von Luca ge-
schriben worden / als er Paulo zu Rom mit ketten gebund-
en / vnerschrocken zu dienst gieng / dan er so fleissig achtung
auff in het / das er alles auffe eigentlichst anzeit / was er
von im geschehen wist / dises bezeigt auch der hailig Jeroni-
mus im büch / de uiris illustribus / die historia Luce (sagt er)
weret an die zwai jar / so Paulus zu Rom gewonet / das ist
an das vierdt jar Teronis / auß welchem wir vernemen / dz
das selbig büch allda gemacht / derhalben das gesichte Pau-

D ij

li vnd Teele/vñ die gantz fabel des getauffren lewen/ ach
ren wir vnder die vngegründten bücher/ dan wie ist möglich
das der stetig mitgesell des Apostlen/ diß allain vnder allen
andern seinen geschichten nit solt gewist haben/ so ferr sein
die wort Jeronymi. Was sol ich aber hierzü sagen: es ist nit
allain vngegründt / sonder am tag falsch / das Petrus im
andern jar Claudij gen Rom kōmen / vnd das Bistumb al
da fünffundzwainzig jar registert habe/ dieweil Lucas in di
sem edlen büch vñnd fleißigen historien niches daruon thut
schreyben/ dan wer er da gewesen/ er wer so verborgen nit be
liben/ das in Paulus oder Lucas in zwayen ganzen jaren
nit gefunden vnd gesehen hetten.

Die vierzehend beweysung.

Gist gnügsam bewert/ das vñ das sibenzwain
zigst jar nach dem leyden oder auffart Christi/ das
ist vmb das viert oder fünfft jar Neronis/ Petrus
noch nit gen Rom kōmen. Nun wollen wir anzaigen/ das
er auff das end Neronis/ das ist xxxvij. jar nach Christi hi
melfart/ dahin nit hat kōmen mögen. Als Paulus von de
handen Neronis los ward/ nam er im für in Hispaniam vñ
gegen nidergang der sonnen züraisen/ als Lyra vnd ander
meer schreyben/ dan er diser meinung beraitan gewesen/ als
er zū den Rōmern geschriben hatt. Als er nun da zehen jar
volbracht/ kam er widerumb in den gwalt Neronis/ vnd da
er den tod nahend sach/ schrib er Timotheo das er sich sampe
Marco zū im gen Rom sügen solt / dan er kainen gesellen/
dan allain Lucam bey im habe. Aber wie sol ich disem deñe
schreiben glauben geben hailiger Paule / dieweil der gantz
Rōmisch hauff mit heller stim schreyen/ sant Peter sey vom
andern jar Claudij bis an das end Neronis anainander zū
Rom gewonet: wie kan es nun gesein/ das du vnd Lucas al
lain seyec da gewesen: O du lerer der völkter Paule/ ich wil
dirs leichtlich glauben/ das du Petru zū Rom nie gesehen/
vnd da die dannen gezogen/ du allain mit Luca da bliben

bist/vñ
ain son
vnd v
ffel für
siphori
nit ges
sücht v
barmh
aus di
gen all
that er
so er em
verren
funden
her von
licher
das er s
nachfe
lus für
er da zu
schreyb
im kōm
net in i
darin i
zū Rom
von we
er Petr
Puden
vermer
müt/ de
sünst a
jar zū
so er do
komme

bist/vnangesehen die hencker der hailigen schrifftten/welchñ
ain sonderliche freud ist / Christum vn̄ dein wort radbrechen
vnd verunrainen. In gedachter Episteln schreibt der Apo-
stel fürter/got wöl barmhertzig sein dem ganzen hauff Dne
siphori/der mich vil mal erquicket/vnnd meiner ketten sich
nit geschemet/sonder als er gen Rom kam/mich fleissig ge-
sücht vnnd funden hat / Er muß widerumb bey dem herzen
barmhertzigkeit bekömen in yhenem tag. Scheinbarlich ist
aus diesen Worten zumercken / wie danckbar der Apostel ge-
gen allen denen gewesen / die im irgent ain dienst oder gü-
that erzaigē / als er hie kaum außsprechen mag sein freud/
so er empfangen hat in der zükunfft Dnesiphori/ welcher vō
verren länden kömend/gleich wol kein riuw gehabt/bis er in
funden. Wer nun Petrus zu Rom gewesen / Dnesiphorus
her von im wol/wo sich Paulus enthielt verstanden/vñ sol-
licher müe Paulum züsüchen / entlediget mögen werden/
das er im nit so müsam vnd fleissig het dörfen allenthalben
nachforschen. Es nimt mich nit wenig wunder / so Pau-
lus sunst keinen vnderwegen last/das er von Petro(welch
er da zumal/wie sy sagen/zü Rom seßhafftig war) nirgent
schreybt/das er zum wenigsten ain mal / im gefencknuß zü
im kömen sey/vnd hat Petrus Paulū fast lieb/dañ ernent
net in in Epistola cathola/Paulū den allerliebsten brüder/
darin ist warhafftig / das Petrus auch am end Neronis
zü Rom nit gewesen/dañ als Paulus Timotheum grüßt/
von wegen der Brüder/so zü Rom gegenwertig waren/zelet
er Petrü nit mit vns/er spricht dich grüssen Eubolus vnd
Pudens vnd Linus vnd Claudia/vnd die brüder alle. Ich
vermerck kein vsach/derhalben er/als auß wolgedachtem
müt/den namen Petri vndergedruckt hab alda/welchen er
sunst allzeit in höchsten eren hielt: wie ist nun Petrus xxx.
jar zü Rom gewesen / vnd von Nerone gemartert worden/
so er doch am end seines regiments / nit hat mögen dahin
kommen sein.

Die fünffgehend beweyfung.

O die episteln Pauli in der Biblen begriffen sein
vorhanden noch ander Episteln / die er zu Seneca
dem zuchtmaister Neronis geschriben / welche ich
achte dazumal geschriben sein / auß erlichen anzaigungen /
als Paulus zum andern mal gefangen gelegen / dan die sel
big zeit war Nero grausam / vnkeusch / wütend / Ebrecher /
vnd mit allerlay lastern besleckt / welchs man im in den er
sten fünff jaren nit schuld hatt geben. Zum andern / die epi
steln Pauli von im geschriben in der ersten gefencknuß / an
erlich kirchen / waren nun dem Seneca zuhanden kommen /
vnd er het auch etwas darauff nutz geschöpfft / welches nit
wol hat können geschehen in den ersten zwayen jaren. Zum
dritten / Seneca in ainer seiner Episteln ad Paulum ge
denckt / des Römischen brands / so der Nero hat angelegt /
welches ist geschehen / als Nero zum end seines regiments
war nahen / dan Drosius schreibt (wiewol durch die gemain
lugen verfür) das Petrus vnd Paulus kurz darnach vom
Nerone getödt sein sollen / vnd wie den nechsten herbst dar
nach / so ain grausame pestilenz zu Rom regiert / das auff
xxx. tausent menschen daran abgangen / die selbig pestilenz
im abnemen des regiments Neronis geschehe bezeugt auch
Tranquillus. Als nun dise baid auff ain mal zu Rom wa
ren / Paulus im gefencknuß Seneca im palacio Neronis /
vnd ain yeder vil vom andern hielt / vnd doch personlich zu
samen nicht kömen mochten / dan villeicht snen baiden fer
ligkait darauff her enstehen möge / nach dem verbotten war
den Juden vñ Cristen anzüsprechen / od villeicht es wolt den
Seneca nit wol ansehen / zu Paulo in sein gefencknuß zu
geen / das er den tyrannen nit wider sich herzet / vñ selber ins
gefencknuß keme / auß solchen vsachen / haben sy ir sachen
mit brüfflein müssen außrichten / welche auch anzaigung
chün / was frainschafft ainer dem andern verwant war /
in solchen brüfflein wirt Petri auch mit kainem wörtlin ge

dacht / welcher dazumal Seneca / dem allergeleertesten vñ ge-
gen den Christen allergütigsten man bekant sein worden
(wie er zu Rom gewesen) vñ im von Christo (dieweil Paulus
gefangen lag) predigen hat sollen / Er wurd es on zweyfel
auch gern gethon haben / das er so ainen fürtreffenden man
Christo erworben het / so wurd auch Paulus den Senecam
an kainen andern dan an Petrü gewisen haben / der im das
Euangelin auch verkünden het mögen / aber wer sagt nit /
das dise geschicht alle die krafftlos vnd vergifftig opinion /
sant Peter sey zu Rom gewesen / vnd von Nerone getödtet
worden / nit leiden können: als manigfaltig vñ klarlich ge-
nüg bewert ist.

Die sechzehend bewertung.

Ich versich mich niemand werde hinfürter so thum-
kopffig sein / das er noch gelaub Petrus sey zu Rom
gewesen oder gemartert worden / derhalben das sich
niemand bewegen laß das vnuerschampt geschray der Rö-
mischen Curten / welche wider so vil scheinbarliche gezeügte-
nuß widerbellen thar / wöllen wir un beschawñ / wie die le-
rer Urbani stimmen / da sy die martter der baiden Aposteln
Petri vñ Pauli beschreyben / Ambrosius in dem lxxij. Ser-
mon / von der martter Petri vnd Pauli schreibt also / auf at-
nen tag vnd ainer starcke / haben sy erlitten den vrtail aines
tyrannen . In diser mainung steet yetzund schier die gantz
römisch versamlung / welche also singe an irem fest / die eer-
würdigen Fürsten der erden / zügleicher weiß sy sich am leben
geliebt / sein am tod auch nit geschende worden . Das dises
falsch sey / zaigt an die passion irer baiden / welche vnder irer
discipel namen gedicht / vmbgeführt werden / die selben kom-
men wider mit diser mainung noch mit inē selber vberains /
dan als hie gesagt wirt / sy haben auff ainen tag gelitten /
das vernaint Linus offentlich auß vilerlay vsachen / wel-
che zülang weren hie züerzelen / sonder ich wil den leser zu dē
erdichten Lino von Jacobo Stapulensi ins latein bracht /

gewissen haben / Dionisius (nie der discipel Pauli / sonnder
irgent ain loser fischer / so das büch / vnder des namē erdich-
ter hat / hange an der ersten mainung / sein sy aber an ainer
stat gemartert: hie wirst du erzlugen hören / etlich sagen ja /
wie man auch in der kirchen singt / sy sein am tod nit zertai-
let worden / Linus sagt Petrus sey am Creüz vmbgekeret ge-
hefft an der stat genant Nammachia / wie aber Paulus ent-
haupt / nennet er nit / aber das nit an ainem ort geschehen /
gibe er damit züuersten / das er schreybt / ain yeglicher hab
ain sonderlichen hencker vñ scherger / auch schawer der mar-
ter gehabt / Dionisius aber ist mit offentlichen worten dar-
wider / daß er schreibet / als man sy zum tod außfürt / vñ von
ainander wolt führen Paulus hab zü Petro gesprochen / der
freid mit dir du fundament der kirchen vnd hirt der schaf vñ
lemlein Christi. Item das sy baid durch vntail vñ gebot Ne-
ronis zum tod bracht worden / ist man auch nit ains / dann
wiewol alle andere solchs halten / so spricht doch der Linus
allain / Agrippa hab Petrus vmbzübingen verschafft / daß
er gibet für / das von der predigen Petri / vil frawen von den
Römerin / d' wollust des flaisches sich geeüffert / vnder welch
en vier zühalterin Agrippe gewesen / von welcher bekerung
der Agrippa wider Petrus erzürnet worden / vñnd in an dem
Creüz zütöden bestelt habe / on des Kaisers wissen / wiewol
man in ganzē Rom deshalben / gerumort. Es sein auch der
geleichen gedicht märe / darinnen sy sich nit vertragen kün-
nen / vñ nichts aigenlichs fürzübringen wissen / welche vn-
ainigkeit allain gnügsam ist / sy lugenzüstraffen / ich habe
auch noch niemants vermerckt / der sy züberichten sich vn-
derstanden / daß den historien allen vom Nerone ist nichts
sicher züglanben / als wir mit Josepho beraitan bezeügt ha-
ben / vnd es nimpt mich in sonnderhait wunder / das Jose-
phus / welcher von Vespasiano mit der eroberung der Stat
Jerusalem / gen Rom gefürt / vnd alda bis auff die gezeiten
Domitiani bliben / vnd die histori des Indischen kriegs V

Pauli / sonnder
namē erdich /
aber an ainer
lich sagen ja /
od nit zertai /
ombgetert ge
Paulus ent
et geschehen /
glicher hab
wer der mar
worten dar
für / vñ von
sprochen / der
der schaf vñ
ñ gebot Ne
ains / dann
h der Linus
schafft / dan
wen von den
vnder welch
er bekerung
id in ancom
fen / wiewol
ein auch der
tragen kün
/ welche vn
en / ich habe
ten sich vn
re ist nichts
bezügt ha
/ das Jose
g der Strat
die gezeiten
kriegs W

spasiano vnd seinem sun Tito zugeschriben darinnen er der
yhenigen / so Nero getödt / meldung thut / mit kainem wort
Petri vñ Pauli gedencet / dieweil er sunst dē Christen ganz
genait gewesen / vnd wie es sich gezimpt / irer allzeit in gū
tem zügedencken pflegen / als Johannis des taußfers / der in
dem castell Macherenta enthaupt war / im xvij. büch oder
alten geschichten der Juden / vnd des Aposteln Jacobi des
brüders des herin / Bischoffs zü Jerusalem im zwainzigstn
büch. Derhalben mag ichs darfür halten / Petrus sey zü Je
rusalem mit Jacobo vñnd andern entleybt / dan Josephus
schreibt / das die selbigen zeit / vom Anano dem jüdischen Bi
schoff / ander meer mit Jacobo zügleich getödt worden / dar
zū wiles der natürlich verstand nit wol zügeben / das Pe
trus vnd Paulus zügleich gelitten haben / dan als in Chri
stus zü im berüfft / war er bereit an wol bey jaren / vnd hett
weib vnd kind / dan sein Schwigern het Christus vom fieber
gesund gemacht / Er ist gewesen der eltest vñnd den aposteln /
deshalben auch Paulus im dritten jar nach seiner bekerung /
dem alter züeren (als Achanasius schreibt) gen Jerusalem
in züschē geraiset. Paulus aber war dazumal ain jüngling
als Actuū vij. Nun ist nit deßminder / so lang mit den pre
digen des Euangelij vmbgangen / biß er alt worden / als er
selb thut bekenen in seinen Episteln / Wer wil sich nur in di
se verworn vñnsternuß einfüren lassen / darinnen die schreib
er mit iren opinion gleich sam maußfallen gestelt haben / dz
man nit aigentlich finden kan / daran man sich gewiß hal
ten vnd verlassen dürff / auß solcher finsternuß zükömen.

Die sibenzehend beweyßung.

So wir nun beweist haben das Petrus zü Rom nit
gestorben von des herren wegen / wil sich gezimmen /
das wir sagen wo solches geschehen / Zeich dauon
weiter red / sag ich zünor das kain star ist in der hailigen ge
schrifft / die gewißlich anzaigen thut / das Paulus zü Rom
von Nerone gelitten hab / dan als er in seiner andern ge
L

fencknuß zu Thimotheo schreibt / vnnnd hiernachgeschribne
wort mit eintregt / ich nim̄ yezund ab / vnnnd die zeit meines
vergeens nahet sich / damit maint er nit die marter / sonder
seinen schwachen außgearbaiten leichnam / dan̄ das er da
zumal ain groß alter gehabt / bezeüget auch die Epistel ad
Philemonē / zehen jar vor diser geschriben / nennt er sich alt:
Was mainst du nun was in zehen ganzen jaren / in stetiger
arbeit in versorgung aller kirchen sein leib hab abgenom̄
men: Darumb er verursacht worden / solchs Timotheo sei
nem allerliebsten sun anzūzaigen / auff das er sich auff's tür
gest gen Rom verfüget vor seinem tod / dan̄ er alters halben
nit vil lenger mocht leb̄n / dan̄ er wißt durch eingebung des
hailigen gaissts / das er auß d̄ gefencknuß erlöset werden solt /
wie das seine wort eigentlich bedeuten / dan̄ er schreibt / wie
er zum ersten ainig / sich vertedingt vñ entschuldigt hab vor
Nerone / vnd also los̄ gezelet worden sey / redt er weyter vnd
spricht / Ich bin erlöset von dem maul des Löwen / vnd der
herr wirt mich hinfürter erlösen von allem bösen / vnd wirt
mich selig machē / bis in sein himelreich / das ist / er wirt mich
behalten zu dem dienst der hailigen kirchen seines gaisstlich̄
en leichnams / dan̄ die hailig kirch wirt oft vnd dick genent
das reich der himel / als wir vorhin mit dem hailgen Grego
rio bezeüget haben / Nun zū gleicherweiß als er in der ersten
fencknuß Philemoni also schrib / richt mir zu die herberg /
dan̄ ich hoff ich werd̄ eüch widergegeben werd̄n durch ewer
gebet / vnd seiner bitt gewert ward von got / also hie auch /
darzū hat man auch noch meer anzaigung / das er auch zu
andern mal dem Nerone entkommen / als nemlich die send
brieff / die im der Seneca zūgeschriben hatt in den kercker /
anß welchem solches leichtlich zūnermercken. Vnd das wir
nit zūlang allhie steen bleiben / wöllen wir anheben / mit vn
widersprechlichen bezeügnissen zūbeweyßen. das sy baid Pe
trus vnd Paulus zu Jerusalem gelitten haben. Zum ersten
mit den Worten des herren Christi zu den abgessunder ten vnd

gelernten / vnd zu der stat selbst / in Matheo vnd Luca gesprochen / wec eüch schrifftgelernten vnd gleißnern / die jr den Propheten bauwen greber / vñ schmuckte die selbigē sagend / weren wir gewesen in dē tagen vnser eltern / wir wolten vns des blüts des Propheten wol enthalten haben / daß jr bezeüget über eüch selber / das jr kinder seyt der yhenigen / so die Propheten zu tod geschlagen. Darumb erfüllet die maß eüwer vätter / vnd ich sag eüch secht zu / ich schick eüch Propheten vnd weiß / vnd gelernten des gesetz / die selbigen werdet ir zum tail tödten / zum tail Creüzigen / zum tail gaislen in irē sinagogen / vnd sy veruolgen von ainer stat in die andern / auff das über eüch kom alles gerecht blüet zc. Kurtz darnach sagt er / Jerusalem Jerusalem / welche tödtest die Propheten vnd stainigst die zu dir gesandt werden zc. das solches nit vō den Propheten des alten gesatz / sonder von dē hailigen Aposteln gesprochen / legt auß Johannes Chrysostomus in der lxxv. homeley / vnd spricht wie volget / Christus maint in diesen Worten die Aposteln / vnd die mit den Aposteln vnd nach den Aposteln gewesen sein / von welchen vil auch propheciert habē. Der hailig Hieronimus ain leüchtender stern der hailigen geschriffte / legt vns diß klärlich vnd volkōmenlich auß vnd spricht / Alhie hab achtung darauff / das wie auch der Apostel schreibe / mancherlay seind die Gaben der schüler Christi / etlich sein Propheten die zukünfftige ding zuoran sagen / etlich sein weiß / die wissen wañ sy sollen reden / etlich sein gelert vnd überschwencklich erfarn im gesetz / vnder welchen Paulus ist erschlagen Petrus gecreüzigt / die Aposteln gaiselt (wie in Actis steet) vñ vertriben von ainer stat in andern / vnd auß dem judischen land vnder die haiden. In diesen Worten anzeigt Hieronimus offentlich / das Petrus vnd Paulus gleich wol als Stephanus zu Jerusalem dem tod gelitten / dem thut auch zusal Nicolaus de Lyra / vnd legt die obgeschribnen wort Christi auß / dermassen / ir werde sy tail zu tod schlagen / als Jacobum den brüder Johannis

Act. vij. vnd Stephanū actuum vij. vnd vil meer / zum tail
werdet jr sy Creüzigen / als Petri vnd seinen brüder An-
drea vnd vil meer / zum tail werdt jr sey gaislen / als Pau-
lum vnd Sylam Act. vij. vñ ij. ad Corinthū. vij. geschriben
steet / was kan man wider dise vnuerwerfliche gezeügte nuss
herfür bringen? wer darff Hieronymū / Chisostomū / Nico-
laum Lyram / vnd dazü Christum selbst lugstraffen? dan
er selbst / da er gedachte red im Euangelio Luce sagt / gab er
ain deutlich zaichen das ers von Petro vñ Andrea gesproch
en hat / in disen Worten / Ich sag eüch meinen lieben freünd-
en / das jr eüch nit fürchten sollen vor den / die den leichnam
todtschlagen / vnd darnach nichts meer züchün vermügen /
Ich wil eüch aber vnderrichten / wen jr fürchten solt / fürch-
ret den / welcher / so er getödtet hat / darnach vermag in die
hell züstecken. Dises alles hat gesagt der herr Christus zü Je-
rusalem vnd nit zü Rom / vnd das seine junger von schriffte
gelernten vnd Phariseern / vnd nit von den Kaisern zü Rom
gemartert werden solten / wiewol ich nit vernainen wil / et-
lich seyen auch ausserehalb Jerusalem vmbbracht.

¶ Die achtzehend beweysung.

W Ir haben nun gnügsam oder villeicht überflüssig
fürgelegt / die mainung der yhenigen / die Petrum
für ainen Bapst zü Rom halten vnd auß dem sel-
ben grund / den Römischen Pabsten alle ding züaignen / die
weil sy in die stat des obersten Aposteln (als sy fürgeben) ge-
treten / vnd solcher gewalt falle also in erbens weis / von ai-
nem auff den andern. Wöcht nun ainer fragen / wie so ain
grober yrtumb in die kirchen sey eingerissen / dauon wil ich
ain wenig reden. Es seind wol andere ding meer / vnd nit
weniger schädlich / vnd vil neüwer dan dises / durch hinlessig
kait kurzueruckter zeit in so starcken glauben kómen / das
mans den Artickeln des Christenlichen glaubens gleichwir-
diget / wiewol die geschichtbücher kain meldung dauon tün /
vnd die gesetz Christi stracks darwider streben. Nichts went-

ger muß mans so fest halten (in geferbtem ansehen der kirch
en) sampt die nötigen dinge zur seligkeit / vnd wie sich ainer
auf güter bewegnuß ain wenig wider solch fraschten hören
ließ / wurd er nit weniger ain Ketzer gehalten / als hett er die
gesetz Christi fräuenlich angangen. Ist nun das geschehen
in neuwern dingen / was haben die Römischen suppenfres
fer nit kündt für liegen erdencken / vom Bapstchumb vnd
marter Petri / iren Bapst zübestetigen: Glaubstu das auch
das gut oder von nöten sey / das in der kirchen / welche Chri
stus / in armseligem stand gepflanzt / die Aposteln in dürff
tigkeit aller ding außgebraut haben / mit so überschwenck
lichen reichumben überschütt sey / oder das nur ainer dar
in regiere vnd robe / vnd die kirch werd in der weiß nichts an
ders dan ain tyraney: wer hats doch gesagt / man hats ab
er yezund im gebrauch / das sich alles muß nach ainem kopff
halten / das bey ainem volkomlichen gewalt aller ding stee
vnd das seinem gebot oder verbieten / alles geschech oder ge
lassen werd / wie es nun irgent ainer überseh / das er sollich
groß hannsen der kirchen ain wenig vnsänfft anrüret / oder
sy züermanen gedecht / oder wolt inen nit gang hinnach
hoschen / von stund an so schlecht man in die hörbaucken /
mā richtet ain gemaine hörfart an / yederman raigt man
an den selbigen / vnd sagt es gebür allen Christlichen Fürstē
acht zühaben / das Christus nit beschedigt / die kirch nit be
raubt werd / wie sy vermercken / das inen ain wenig sārlich
er zins züruck geen wöl / hegen sy das Christlich volck an ain
ander / keren das vnderst zü oberst / vnnd haben kain mitley
den über die menig des volcks / so in solchen leüssen verdirbt /
so heffrig hat dise tyranny eingewurtzelt / allain das sy dē
Römischen stül / durch Petrum / über alle Christenhait er
heben mögē / auff das der Bapst ain gemainer Bischoff üb
er all ander gehalten werd / welches doch offenbarlich ist wi
der die alten ordnung vñ historien / wiß Christi aigne wort /
wider die übung vnd gebrauch im anfang der kirchen gehal

ten / vnd wiewol es in frischer gedechtnuß steet / wañ solche
tyranny angefangen / so findt man doch etlich die schreyb
en es sey von anbegin also gewesen / vnd vndersteen deshalb
en zu gleicher weiß / als vmb das götlich gesetz züstreyten /
haben auch das arm volck verfür / das inen nit geringern
glauben gibt / dan dem Euangelio. Eben also / haben sy in
das volck bracht / Constantinus der kaiser hab Siluestro so
groß geschencet an landen vnd leüchen gethon / vnd ins kais
fertumb zu Rom gesetzt / wiß welches sein all historyschrey
ber vnd geleert leüt / vnd umbstossen die erlogen bullen / mitt
treffigen vnd wolgegründten vrsachen / das ist der fleiß den
sy thün / dem glaubigen volck die warhait zuuerkünden / dz
sy es mit solchem nichtigem geschweyz betriegen vnd bey der
nasen laytē / auß welchem allem wol vermüglich / wie leicht
es inen gewesen / die historien oder fablen von Petro züdich
ten / nach dem von den selbigen zeiten kaum historien gefun
den werden / allain die passion / welche so hefftig wider ain
ander streben / das sy sich selbs verwerffen vnd umbstossen /
so auch niemants darwider schreibe / sonderlich die in greck
scher sprach geschriben / welches volck in allen zeiten mit der
lugenhafftigkeit vermacelt ist gewesen / bey allen capf
fern schreybern. Derhalben auch von inen alle gesprochen /
alles was die lugenhafftigen Grecken erdichten dürffen in
den historien / vnd des gleichen an andern orten meer / vnd
kurzlich die sach zubeschliessen / darff sich niemand verwun
dern / das die offenbar lügen / ir aigne vertedinger vnd an
hanger habe / dieweil man auch Tusciam das edel land nen
net / das erb sant Peters / welches herrisch zudencken ist / ge
schweig zuredē / So spricht auch der hochgeleert in allen kun
sten Plinius / das kain so vermessen lügen gefunden werd /
die nit auch jr gezeugt nuß hab.

Der ander tail dises büchlin.

Wored zu dem Leser.

AS pfligt zügesehen/waß man ainen güten acker
befät/vnnd nit als bald mit/die schedlichen saum
en außwurzelt/das disteln vnd dorn auffgeen/vñ
die nutzbarlichen sat vnderdrucken/gleicherweiß als ich hie
auch in betrachtung vnd sorgen stünd/das etlich schwach
hafftig plauderey dich bestürzen möchten/das du obgeschri
bnen vnsern bewerungen/nit volkomenlich glauben gebst/
habe ich in disem andern tail dises büchlin/die selbigen si
ben krafftlose/schwezhafftige argument anzaigen wollen/
vnd volgend mit auffrichtigen bestendigen gegründten wi
derreden vmbstossen/so laß dich yetzund beduncken du hörest
ainen Römischen Ruffian oder maystro del stallò/mit auf
gesperrem rachen/also sprechend.

Das erst Römisch ruffianisch argument.

Das du in deiner vierdten bewerung fürgeben hast/wird
ich dir so bald nit zulassen/dañ Paulus als er in der epistel
ad Galathas schreibt von den zwayen raysen/die er gen Je
rusalem gethon/versteet er das sy baid in xiiij. jaren vnd nit
in xvij. jaren/als du rechnest/volbracht/als Nicolaus de
Lyra die selbigen wort außlegt/dañ die drey jar/nach welch
en Paulus zum ersten ist gen Jerusalem kómen/sollen in die
vierzehen/als er zum andern mal mit Tito vnd Barnaba
dabin widerüb geraist/ingerechnet werdñ/vñ hat also Pe
trus in den selben xiiij. jaren wol mögen gen Rom ziehen.

Antwort.

Waß Lyra nit so vil der fürnemesten leerer in diser sein
er außlegung wider sich hett/den er kaum würdig die schüch
züwischen/mócht im vñlleicht wen es gelustet glauben geb
en/so aber er in diser mainung ainig steet/vnd kainen bey
im hat/ist vernünfftiglicher vnd weißlicher so vil außbin
digen fendriichen züglauben/vnd nit disem ainigen traban

ten/ Dieweil man nun wider die schwachen vnd der kriegs
leuff vnerfarn hauffen on not achtet die besten vñ geschick
sten knecht außzuschicken/ bedürffen wir auch nit sonnder
lichen beystand wider disen vngerüsten krieger / vnd wöllen
im entgegen halten Jeronimum/ welcher allain ain gang
hör Tyranischer rüstung/ wol besteen mag/ der selbig Jero
nimus/ in der außlegung der Episteln ad Galatas/ zü dick
ern mal zeücht er an solche sibenzehen jar/ also sprechend/ im
anfang seines glaubens/ hat Paulus die Aposteln auff ai
nen blick besehen/ Darnach über sibenzehē jar (nach seinen
aignen worten) redt er volkommlich mit inen/ sich demütri
gend/ vñnd auff das er nit vergebens lauffe oder gelauffen
hab/ erkundigt er sich der sachen Vñ ernacher/ Paulus hat
von seiner predig mit den Aposteln vñnderred gehalten/ nit
das er fürcht er het das Euangeliū sibenzehen jar den Hai
den vnrecht verkündet/ sonnder das er anzaigte den eltern
vñ glauben/ das er nit vergebens gelauffen het / wie sy vil
leicht wenen möchten.

¶ Das ander Römisch argument.

W As dürffen wir weiter bezeügnuß? so sant Peter
selbs schreibt/ er hab sein Epistel von Rom außge
schickt/ Er schreybt also / eüch grießt die kirch in
Babylonia versamlet/ daselbst schreibt Jeronimus vñ Ly
ra durch Babilonien verstee Petrus Rom / wer will nun
Jeronymo nit glauben?

¶ Antwort.

Von zweyen Babilonien thün die beschreiber des erdt
richs vnd landschafften meldung/ Aine hat der klüg Babi
lo / ain sun Medi in Assyria gebawet / oder (wie wir Hero
doto züfallen wölln) Semyramis/ Die andern nennt man
die Egiptische/ daß sy leit nit ferz vō Egipten/ dauon schrei
ben Stephanus Scрабо vnd Ptolomeus Ludovicus Ce
lius Volaterranus vnd andere meer. Scрабо zaigt an/ das
sy meer in Arabia daß in Egipten gelegen/ vnd derhalben

man sy in Arabischer zungen Chayr nennet / welches als
vil bedütert / als Babylon. In diser stat / yezund Chayr
oder Alkeyro genant / hat sant Peter sein epistel geschriben /
dan er war in Juda / vnd geringsumblygenden landen das
Euangelium verkündigt / Nun stossen baide Arabien (wie
auch sant Jeronymus bezeüget) dz ist das Bürgig Arabia /
vnd die wüste Arabia an Judeam / die bürgig Arabia gegn
dem auffgang / vñ die wüste Arabia gegen dem mittentag /
das sagt auch 8 Apostel / Syna ist ain berg in Arabia / bey
der gegenhait so man yezund nennet Jerusalem / derhalbñ
es hieraus wol zñfürsehen ist / das Petrus in vmblygenden
gegenhaiten des Judischen lands / das Euangelium gepredigt
get / vnd auß der stat Chayr oder Alkeyro / an die glaubigen
versamlet auß Ponto Galatia Capadocia Asia Bithynia /
seine Episteln geschriben hab vñ das dise wort / Euch grüße
die kirch zñ Babylonia versamlet / kainer andern mainnig
zñuernemen seye / Nun laß Lyram scherzen in der figuren
oder gleichnuß / dan er sagt / zñ gleicherweiß als Babylon
ain überschwencklich grosse stat / vnd der abgötterey vnder
worffen gewesen / wie das wol zñnemen auß Daniele / also
war darnach Rom auch / Wöllen wir es im gesteen / so hör
auch was got der herr durch den Propheten Jeremiam ge
sprochen hat von der Babylonien / der Daniel gedencket /
Mein volck (spricht got) gee auß von jr / auff das ain yegk
licher erlöß sein seel / vor dem zorn des grimmen des herren /
wöllen wir nun auch zñ gleicherweiß / durch Babilonien
Rom versteen / an andern orten des newen testaments (wel
ches hieraus von nören volgt) merck auß / was von diser Ba
bylon / das ist von Rom der huren mit seyden geklaidt (als
die wort Jeronymi lauten) vnd voller aller betrieglichait /
Der hailig Johanes in seiner hailgen offenbarung spricht /
Der fallen vnd zergangen ist die groß Babylon / sy ist worden
ein wohnung der Teüfel / ain behaltnuß aller vnraiden
gais / ain verwarung alles vnfaubern vnd grausamen ge
§

nd der kriegs
vñ geschick
nit sonder
vnd wöllen
in ain ganz
selbig Jero
atas / zñ die
vrechend / im
keln auff ai
nach seinen
sich demüti
er gelauften
Paulus hat
ebalten / nit
ar den häu
e den eltern
/ wie sy vil

sant Peter
Rom außge
die kirch in
nus vñ Ly
er will nun

er des erde
klüg Babi
e wir Hero
nennt man
auon schrei
owicus Ce
nigt an das
d derhalben

fügels/ daß von dem wein des zorns sres eebriuchs haben ge-
truncken alle vöcker / vnd die künig der erden haben mir se
vnkeüschait getriben / vñ die kaufleut der erde sein reich wor-
den / von der menge sres wollust / Kaufleut nennet er hie die
yhenigen / dauon Petrus sagt / es werden vnder eüch sein lu-
genhaftig leerer / welche mit erdichten leren vmb eüch kauf-
schlagen werden / sant Johannes redt weiter vnd spricht al-
so / Ich hab gehört ain andere stim sagend / mein volck gee-
auß von ir / auff das du nit tailhaftig werdest sres sünd / vñ
von sres straff nit auch etwas leydest / daß sre sünd sein kom-
men bis an himel / vñnd der herz ist ingedechtig worden sres
boßhait / Hierauß ist wol züermessen / was die Romanistia
durch dise ir auslegung / da sy Rom durch Babylonien für-
sehen wölln / gewinnen / Nemlich das yederman von dem Rö-
mischen hauffen wol mag abfallen / was wil man nun des
halben vns Behmen versprechē / ach wolt got / das alle leüt /
zügleicher weiß als wir / von diser Babilonia absielen / auff
das sy dest leychter von sren sünden auffsteen möchten / O
warlich ain bedeutnuß diser Römischen Babylonien / ist ge-
wesen die alt Babilonia / welche nit allain die schrifft der
Propheten / sonder auch die bücher der haiden verdampft ha-
ben / daß als Plutarchus sagt / sy hat in steter übung zü-
tanzzen vnd triumphiern / hüren auffziehen / schlemmen vnd
chemmen / vnd in vnzichtigen klaidern / die keüschait fail zü
tragen. Ist nit der massen vnd noch überschwencklicher ye-
gund auch zü Rom / treybt man nit da schendlicheren sar-
marckt mit den Götlichen hailigen dingen / daß die gemai-
nen weiber mit srem leyb: daß dise bekenen das jr gelt schnöd
gewinnen wirc / aber die Romanisten mainen sy füren gar
ain göliche vnd Christenliche hantierung / aber ich wil mir
selber steüren / auff das mal weiter hie von züsagen / es wirdt
sein stat an ain andern ort wol finden.

¶ Das drit Römisch argument.

Je nichts anders vorhanden wer/bezeugt doch ge
nugsam/dz sant Peter zu Rom gewesen auch vor
Paulo/dan als Paulus dahin vñ Jerusalem ge
fangen gefürt ward / sein im die Bisider entgegen gelauff
en bis zu der stat Forum Appij / vnd als er sy sach / dancket
er got / als Lucas bezeugt in Actis apostolorum / wer hat di
sen den glauben gepredigt ist Petrus dazumal von Rom ge
wesen.

Antwort.

Das die Christen/als bald nach dem tod Christi gen Rom
kommen/langest vor Paulo/bezeugen Drosius / Tertulia
nus / Platina / dartzu der Christen feind Suetonius Tran
quillus. Drosius im sibenden büch schreybt also/als der herz
Christus gestorben vñnd vom tod erstanden war / vnd seine
jungern zu predigen außgeschickt het / da ließ Pilatus der
fürseher des lands Palestine an den kaiser Tyberiu vñ den
Senat zu Rom gelangen / von seinem leyden / tod vñ auff
stentnuß vnd von den wunderzaichen so er gewirckt het / vñ
noch alle tag von seinen jungern geschahen / in seinem na
men / vnd das im vil anhengig warden / vnd got hielten dar
vñ Tyberius solches dem Rat antrüg / vnd gab sein stim
zum ersten / man solt Christum für ainen got eeren / der Rat
aber war erzürnet / das es inen zum ersten nit was zugeschri
ben / nach alcer gewonhait / vnd woltes nit verwilligen / vnd
ließ außgeen ain gebot / das man die Christen von Rom ver
treiben solt / sonder dieweil Seianus der hoffmaister Ty
berij außs heftigst darwider strebt / das man Christenlich
glauben annem. Nicht dестerminder / hat Tyberius durch
ain ander gebot / den anlagern der Christen den tod gedra
wet / darvon redt auch Tertulianus in der schützred Christ
lichs glaubens gegen den Haiden / also / Tyberius / vnder
welches regiment / der Christlich nam in die völkter außge
braitet worden / da er von der gochait Christi auß Syria vñ
Palestina etwas vernomen / hats dem rat angeben / mit zu
fal seiner stim / der Rat aber hats verschmecht / dieweil sy es

zum ersten nit bestetigt hetten / doch der Kaiser aber / blib in
voriger mainung / vnd tröwet den verklagern der Christen
bey ferligkait sich solches züenhalten / darauß kundlich /
das die Christen vom regiment Tyberij / biß an Neronem /
vnd an die zükunfft Pauli / in güter rüw zü Rom gewonet
haben / dem thüt weiter züsal Tertulianus / da er also redt
zü den haiden / secht in eürwere geschichtbücher / so werdet ir
finden / das Nero am allerersten / mit dem Kaiserlichen
schwert / disen glauben hat verfolget / darumb soll sich nie-
mand lassen wunder nemen / das Christen seyen zü Rom ge-
wesen die Paulo entgegen gangen / dan durch ordnung des
hailigen gaists / hetten sy beraitan ire püester / als Narcis-
sum Andronicü Julian vnd andere / des halben inen on not
gewesen / nach Petro sich züsenen / welche Paulus durch ge-
schrifft vnd mündliche vnderweysung aufs best / wie sy sich
halten sollen vnderweiset / als wir im ersten tail dises büch-
lins angezeit.

¶ Das vierdt argument der Romanisten.

¶ Er kan warhaffteiger bezeigen / das Petrus vnd
W Paulus zü Rom gemartert / dan ire jungern / vñ
die noch darnach gelebt haben / welche das aigere
lich beschriben / nemlich Linus vnd Dionysius / welchen die
hailig schrifft auch kundschafft gibe / Lini gedencke d apo-
stel ad Timotheum sagend / dich grüssen Eubolus vnd Pu-
dens vnd Linus / von Dionisio schreib Lucas in Act. Apo-
stolorü also / Etlich glaubten Paulo vñ warden im anhang
en / vnd welchen war Dionisius der Arcopagit / es war auch
ain fraw mit namen Damaris / vnd andere meer mit inen /
Darzü Egessippus der da in den zeiten Aniceti des zehenden
Bapsts nach Petro gen Rom kam / hatt vom leiden Petri
vnd Pauli auch geschriben.

¶ Antwort.

¶ Het ich kein andere beweyung zübeweyßen / das die ver-
mainten passion Petri vnd Pauli von iren jungern nit be-

schriben/wolt ich allain züsteur nemen die offenbaren vnai-
nigkeit/so darinnen gefunden wirt/vnd die selb/anstat ai-
ner krefftigen bewerung setzen/dieweil ich aber überflüssig
andere anzaigung hab/will ich solcher vnainigkeit zü dem
mal nit gedencken. Es ist kundlich allen gelerten/wie den
hailigen Aposteln vnd iren jungern/nit allain am tod/son-
der auch bey dem leben/die schmach geschehen/das man vn-
der iren namen/mancherlay narrenwerck/dem Chrißtelich
en glauben widerwertig/ins volck außgestrewet hat. Also
bezeugt Origenes/das von den falschen Aposteln ain gedich-
ter sendbrieff an die Thessalonicenser/sy züberriegen/gesfel-
let sey worden/derhalben der Apostel/da im solches verkünd-
schafft/inen ain aigne epistel zugeschriben/sy vermant/sich
fürzusehen/mit disen worten/ Ir solt eüch nit leichtlich be-
wegen lassen/von dem das ir nun wisset/solt auch nit er-
schrecken noch von ainem gaist/noch von ainer red/noch vō
ainem brieff/als von vns eüch zugeschickt/darzü Hierony-
schreybt das geschicht Pauli vnd Teclē/sampt der fabeln
von dem getaufften löwen/sey von ainem priester auß Asia
gedicht/wie dan darnach der selbig theter/ auß liebe Pauli
geschehen (als Tertulianus bezeugt) von im selber bekant
hatt. Item die bücher Clementis/welchs der Apostel ge-
denckt/ad Colosenses/haben die Keger mit mancherlay ir-
tumbn besprenget. der etlich sein auß der ketzerey Eunomii/
dan er disputiert an ainem ort/der sun gottes sey auß nicht
geschaffen/vnd die teüfel seyen nit von aignem willen böß/
sonder sy seyen ain creatur gottes/annderer natur/dan die
andern creaturen/vnd der gleichen vil meer yrtumb darin-
nen gefunden. Item die schrift Dionysii aines bischoffs in
Alexandria/sein dermassen gefelschet worden/das auß den
selbigen/die Arrianischen Keger vnderstünden sich zübewey-
sen/der sun gottes sey nit ainer substanz mit dem vatter.
Origeni werden seine bücher noch am leben so grausam ge-
felscht vnd verderbt/das er sich zü meer malen iemerlich be-

Klage hatt / derhalben Ruffinus in der schützred Sigenis
schreibt / es sol sich niemand verwundern / der vermessenhait
der ketzer / daß sy haben ir gotflesterliche hand / auch nit von
dem hailigen Euangelio rain gehalten / darzu wie sy die
Actus oder geschichte vnd Episteln vermackelt / mit zusez
ung des bösen vnd abziehung des güten / wer dauon ainen
volkomenlichen stand zühabe begert / wirt es in de büchern
Tertuliani wider Marcionem den ketzer gnügsam erlernē.
An ainem andern ort spricht Ruffinus widerumb / die böß
hafftigen menschen haben die beweyfung irer yrtumb / der
halben vnder dem namen der hailigen außgeen lassen / auff
das man souil leichtlicher glaubte / das die hailgñ weder ge
dacht noch geschriben haben / darumb schreybt Sigenes in
der xxvj. homeley über Mattheū / Es ist wol von nöten das
wirs klügklich bedencken / vnd nit alle hainliche ding / die
man vnder dem namen der hailigen vmbtreget / annemen.
Nun auff Dionysium widerzukömen / es hatt kain zweifel
das die Passiones Petri vnd Pauli / vnrechtigklich vnder
seinem namen gelesen werden / daß es haben auch forlangest
bewert / Laurentius Valla / vñ Erasimus Roterdamus /
das die bücher vnder seinem namen gemainlich gelesen / im
falschlich zugeaignet werdñ / nemlich de Celesti hierarchia /
vñ von den götlichen namen / daß die zeit als er gelebt / war
en der kirchen vnbewußt so groß hauffen der Cerimonien /
dauon gedachte bücher thün melden / vom Lino aber zured
en / sag ich / das die Passion Petri vnd Pauli / vnder seinem
namen vmbgefürt / nit allain Christo vnd Paulo / sonnder
auch Petro selbs widerwertig sein / welchs wie es nit zulang
wurd / gar leicht wer an tag zühängen / Derhalben bin ich
starcker mainung / nit Linus / sonnder ain lügenhafftiger
Greckischer Leno / welcher die Episteln Pauli ad Timothe
um / gerochen vnd nit verstanden / hab sy gedichtet / daß als
man sagt / ain lugner muß nit vergessen sein. Nun hatt ge
genwertiger richter sein lügen / mit seiner vergessenhait of

fentlich an tag geben / Er hat vngeferlich gelesen wie Paulus
mit disen worten hat Tymotheum zu im gefordert / kün
eylends zu mir / Demas liebet die welt / hat mich verlassen /
vnd ist gezogen in Thessalonicam / Crescens in Galatiam /
Titus in Dalmaciam / Lucas ist allain bey mir / Nun di
ser betrieger / als er nit gewist / von wannen der Apostel dise
Epistel ad Timothen außgeschickt / vnd wo er sein erhar
ren wurd / vnd wo in Titus vnd Crescens gelassen hetten /
hebt den tod Pauli also an zübeschreiben / als Lucas vñ Ga
latia Titus von Dalmacia gen Rom kōmen / harreten sy
auff Paulum in der stat / als sy Paulus sach / ward er seer
erfrōwet / vnd macht im ausserehalb der stat ain offen scheü
ren oder hauß / dises seind seine wort / in welchen er zum erst
vergift der wort des Aposteln / welcher sagt / Crescens ist ge
zogen in Galatiam / Lucas ist allain bey mir / dan diser sagt
hinderwertig Lucas sey auß Galatia kōmen / dahin er nie
geraiset / dan er stetigs bey dem Apostel in seinem dienst bli
ben war / vñ der Apostel schreibt / Crescens sey in Galatiam
gezogen / darumb wer diser ain wenig bass bestanden / hett er
gesagt / Crescens wer auß Galatia widerkōmen / weiter sagt
diser / sy haben auff Paulum geharret in der stat / gleich als
het Paulus künen auß dem kercker geen / vñ het darinnen nit
gewartet auff die zükunfft Timothen vnd Marci / welche er
hoffte / solten noch vor dem winter bey im sein . Wie ist nun
Paulus gen Rom kōmen do er beraitan war / oder wie hab
en Lucas vñ Titus auff sein zükunfft geharret / so sy doch
wol wisten / das er im gefencknuß behalten ward : dan als
sy in Galatiam vnd Dalmaciam gezogen waren / hetten sy
in da gelassen / Er schreibt für bass Paulus hat im gemacht
ain offen scheür oder hauß / da er mit genanten vnd andern
bündern / von dem wort des lebens gehandelt / vnd hatt von
tag zu tag ain seer grosse menge volcks an sich gezogen / vnd
vil menschen durch die barmhertigkeit gotes zum glauben
bracht / also das der laut seiner predig vnd hailigkeit durch

Die gangen stat erschal / vnd diß gerüchte von jm / bräitet sich
auß in das gantz land / also schreibt diser / Paulus aber
bringt ain anderemainung herfür in seiner Epistel / also
sprechend / got wöll barmherzig sein dem hauß Onesiphori /
dañ er hat mich manch mal erquickt / vnd sich meiner Ketten
nit geschempt / sonder als er gen Rom kam / sucht mich fleiß
sig vnd fand mich auch / Tun halt gegen ainander die wort
Pauli vnd dises büben / diser spricht er hat jm gemacht ain
offen scheür oder hauß / Paulus spricht / Onesiphorus hat
sich meiner Ketten nit geschempt / Es sey dañ vil leicht sach /
das Paulus mit ainer Ketten / von der er sich nit kund entle
digen / gen Rom geflohen sey. Diser spricht / es sey nit all ain
in der stat / sonder auch auff dem land ain groß gerücht vnd
zülauffen gewesen von Paulo / er selber aber spricht / Onesi
phorus hab in fleißig gesücht vnd zü leest kaum zwischen den
Ketten funden. Mich wundert / das in solch groß gerücht
nit als bald hat zü jm bracht / in gleichem weg möcht ich di
sen gangen passion / dartzü den andern Petri vmbwerffen /
es bedörfft aber wol ain besonder büch / Aber ditz wenig hab
ich derhalb gestrafft / zü offenbaren die überschwencklich lü
gen der yhenigen / so disen passion / irgent von ainem da nie
mant waist wer er sey erdichtet / dürffen Lino zü aignen /
dañ Linus ist so vngeschickt nit gewesen / nach dem er nebñ
Paulo war / als er die Epistel ad Timotheu schryb / das er
seiner wort so bald vergessen / vnd so öffentlich wider in ge
schriben het / das ist auch mein mainung von Egesippo dañ
was hat er können aigentlich von der geschicht schreyben /
dieweil er die zeit nit da gewesen / sonder ain lange zeit her
nacher dahin kömen ist / darinn ist gewiß / das vil lange jar
nach Egesippo / dise fabel erdichtet worden.

Das fünfft argument.

W As darffstu den Linu versprechen / so doch die Rö
misch kirch / ain stuck auß seinem büch genomen /
jerlich singen pflegt / vnder andern steet also in dē

Passion Petri / als Petrus wolt zu der pforten der stat auß
geen / sach im entgegen kômen Christu / er betet in an sprech
end / herz wo geestu hin / antwurt Christus / gen Rom / wider
umb gecreüiget zu werden / sprach Petrus / herz solt du wid
umb gecreüiget werden? antwurt der herz / ja ich wird wider
umb gecreüiget / sprach Petrus / so wil ich wider umb wend
en vnd dir nach uolgen / nach disen worten für der herz in hi
mel / Petrus aber sach im nach / vnd wainet innigklich / di
sem zu gezeügnuß / ist ain Capellin gebawet noch heütigs
tags steend am ort da dises gesprech gehalten.

Antwurt.

Es ist noch gürt / das die gemain Occidentalisch kirch / di
se vngötliche lügen wider Christu / wider Paulu / vnd wider
Petrü selbst nit singe / dan die Orientalisch kirch vñ vil auß
den Occidentalischen glaubigen / nemens nit an / als yeder
man wol bewußt. Das aber die Römisch kirch / welche on dz
voller lügen ist solche lügen annimpt / zulast vnd singt / sol
niemand selzam dunckē. Wie hat doch Linus mögen schrei
ben den Christglaubigen menschen / das Christus sey wider
umb von himel kômen vñ Petro begegnet / oder wie hat Pe
trus dē brüdern solchs mögen sagen geschehen sein? warlich
wort inen dises fürgeben het / er wer für ainen offnen lugner
von inen gehalten worden / dan er hat langest daruor zu den
Juden / nachuolgende wort von Christo geredt Act. iij. Der
himmel muß Christu Jesum behalten bis auff die zeit / der wid
büngung aller ding die got geredt hat / von anbegin durch
den mund seiner hailigen Propheten Wie hat nun auf das
mal der himel Christu widerumb herab gesandt / vor der vol
kômenhait des gerichtes gotes? dan auch die engel zu den / die
dem herren in den wolcken zuhimmel farende / nachsahen / ge
sprochen hetten / Diser Jesus der von eüch genommen ist in
himmel / wird widerumb kommen gleich wie jr in gesehen habe
geend in den himel / das deutet Mattheus auff die zukunfft
zu dem gericht / sy werden sehen den sun des menschen herka
6

/braitet sich
Paulus aber
Epistel / also
Dnesiphori /
meiner kerru
che mich fleis
nder die wort
remache ain
phorus hat
leichte sach /
ic kund enle
y nit allain
gerücht vnd
ichte / Dnesi
zwischen den
roß gerücht
möcht ich di
mbwerffen /
z wenig hab
oencklich lü
nem da nie
o zu aigien /
dem er nebn
ryb / das er
wider in ge
gesippo dan
t schreyben /
nge zeit her
vil lange jar

doch die Kö
h genommen /
et also in dē

mend in den wolcken des himels / in grosser krafft vnd ma-
stat / darumb zügliche als er in wolcken gen himel gestigen /
also wirt er auch in wolcken widerumb zu gericht kommen.
Nun sich wie es gezim züglauben / das Cristus in der person
als er gen himel in den wolcken gefaren / bereit an sey wider
umb hieunden gewesen / dan am iungsten gerichte wirt er al-
lererst kōmen / das gibt auch David zuuersteen als er sagt /
der herr sprach zu meinem herren / sitz an meiner gerechten /
biß ich deine feind machen werd / ain füßschemel deiner füß /
Derhalben glaubt man er sey noch kain mal widerumb per-
sonlich herab gestigen / vnd irgent ainem hailigen auff erd
erschine / sond allain im himel vñ hab herabwartz mit im ge-
redt / dan Stephan als er seine augen in himel auff warff /
sabe er die eer gottes / vñnd Jesum steen an der gerechten / &
krafft godes. Paulū als er gen Damascū rait / vmbgab ain
licht von himel / das er nider fiel / da hōret er ain stim zu im
sagend / Saule Saule warūb verfolgest du mich / antwurt
er zitterend mit forcht ikerfallen / wer bist du herr / Sprach
die stim widerumb / ich bin Jesus Nazarenus den du verfol-
gest / dises von seiner wunderbaren bekōnung bekent er selbs
vor den Juden Act. xxij. vnd vor dem künig Agrippa / verse-
her festo Act. xxvj. mit disen seinen aigen wortn / als ich gen
Damascū rait / in anwalt schaffe vnd auß gehais der Fürst-
en der Priester / sabe ich auff dem weg in mittentag / ain
licht scheinbarlicher dan die son / mich von himel vmbgeb-
en. Auch da Petrus zweyfelt / ob man den Haidn auch solt
predigen das euangelin / ist im Christus nit personlich erschi-
nen / sonder hat in in entzucktem gaisst gelernet / das er nicht
solt als vnrain verwerffen / Wir findn auch an kainem ort
in der schrifft / das er irgent ainem hailigen in der gestalt /
wie er nach seiner auffersteung vierzig tag mit seinen jun-
gern vmbgangen / geessen / vnd von dem reich godes geredt /
erschinen sey / haben auch im glauben / das er vor dem iung-
sten gerichte / dermassen nit herfür kommen werd. Warumb

wöllen wir nun ain solche vnchristliche vnd schendliche lügen ainem fürnemen sünger der Aposteln zuschreyben / es wer auch wol zureden von der vermainten Capellen domine quo vadis / vnd zübeweyßen das weder kirchen noch Capellen in vil hundert saren noch zü Rom noch in vmblygnder landschafft gewest / sonder wie die Christen allain in hölen vnd krufften zusamen kōmen pflegten zü verkünden den tod des herren / oder mit lobsang vnd gebeten die gnad Christi züerlangen / es wirt aber züläng / mag auch villeicht auf ain ander mal geschehen.

¶ Das sechst Rōmisch argument.

Marcus ain discipel Petri / hat das euangeliū auff gehaisß des maisters zü Rom beschriben / welches Petrus volgend besterigt / vnnnd durch sein gewalt den kirchen zülesen auffgesetzt hat / wie das Clemens vñ Jeronimus schreyben / des selbigen Marci gedencket Petrus in seiner Episteln / Luch grüßt mein sun Marcus / vnnnd ist diser Marcus / als er das Euangeliū geschriben in Egipten geraist / vnd hat Christum am ersten in Alexandria gepredigt / vnd ain kirchen alda gepflantz / vnd nach mancher lay mü vñ gehabter arbeit / starb er im achten jar des kaisers Teronis / also hatt auch der hochberümpft Jud Philo ain besonder büch von dem leben vnnnd wesen Marci zü Alexandria geschriben.

¶ Antwort.

Die bücher so vnder dem namen Clementis vmbgeen / sein zum tail hefftigklich verfelscht / vñ mit irumb vermischet / als wir das vorhin beweist haben / werden im auch zum tail falsch vnd vnrechtigklich zügeschriben / derhalben man auf sy geringen glauben setzen darff / darumb ist züwissen / das man im neüwen testament von zwayen geschribē findt / mit den zünamen Marci genennet / der erst ward gehaisßen Johannes Marcus / von disem list man Act. am xij. dise meinung / Es waren in der kirchen zü Antiochia Propheten vñ

G ij

lerer / vnder welchen Barnabas / vnd Simon zigenent der
schwarz vnd Linus Cyrenensis vñ Manaben / als dise wa
ren im dienst des herren vastend / sagt der hailig gaist / sun
dert mir ab Saulum vñ Barnabam / in das geschefft / dar
zū ich sy angenomen / da vasten sy vñ beten / legten die hend
auff sy vnd ließens faren / vñ dise also außgeschickt vom hai
ligen gaist / kamen in Seleüctiam / vnd schiffen darnach in
Cyprium / vnd als Sy kamen in die stat Salamina / predig
ten das wort gotes in den Synagogen der Juden / vnd het
ten in irem dienst Johannem der da genant ward Marcus
vnd nit zūnerachte waren in seinen wercken / da sy nun für
ter kamen gen Paphū am andern stat gedachter Inslen vñ
wolten schiffen in Pamphiliam / wolt diser Johannes Mar
cus nit mit raisen / vnd keret widerumb gen Jerusalem / vñ
darnach gen Antiochiam. Als nun über ain zeit lang Pau
lus vnd Barnabas Act. xv. auch dahin kamen vnd predig
ten / sprach Paulus zū Barnaba / wir wollen in den steten
da wir das wort gotes gepredigten / vnser brüder haimsuch
en / zūsehen wie es in gee / da wolt Barnabas mit im nemen
Johannem der da genant ward Marcus / welcher zūvor vñ
inen abgezogen war / Paulus aber bat in / das er solches nit
thet / dan es wolt sich nit zimmen / in widerumb anzünemen /
nach dem er vorhin sy verlassen het / als sy in Pamphiliam
geschiffe / vnd gen Jerusalem widerumb haim gezogen wa
ren / da ward in sy der sachen entzwayt / vñ taileten sich / Bar
nabas vnd Marcus zogen in Cyprium / Paulus vñnd Sy
las in Syriam vnd Ciliciam / da nun Barnabas in Cypro
ymb Christus willen / grausam gemartert ward / zoch diser
Marcus in Egipten / als alle bekenen / dan Philo der histo
ri schreyber ains grossen namens sagt / er hab den namen
Christi verkündigt in Alexandria der stat Egipti / da der
groß fluß Nilus ins mör geet / gelegen / darzū Petrus auß
Chayro oder Alkeyr od Babilonia (welche Stephanus vñ
Ptolomeus in egipten gelegen bezeügen) schreybend / ist sei

ner eingedecktig / Kuch grüßte Marcus mein sun / dan es ist
verstantlich / nach dem Alexandria vñ Alkeyr / nit weit von
ainand ligen / das Petrus vil vnd sonderlich gemainschafft
mit im gehabt / vñ disem Marco / findt man vil erdichte fab
len. Zum ersten / das er im selber ain daumen abgeschnitten /
auff das er zum priesterstand vntüchtig wurd. Zum andern
das er das euangelii zu Rom / auß gebaiß Petri geschriben /
welches beraitan falsch ist / dan man findt in keiner haili
gen bewerten schrufft / das weder diser noch Petrus zu Rom
ye gewesen / vñ die vnainigkeit der schreiber gibt zuuerstehen /
das ain lügen darhinder begraben leyt / Jeronimus schreibe
auß Clemente / das Marcus gebeten von den brüdern / hab
das euangelii Christi geschriben / die andern / vnder welch
ist Platina / sagend / Petrus bewege auß bitt der Römer /
hab Marco / nach dem er tauglich dartzu erschen vnd besun
den war / solches zü thun beuolhen / in disem aber allain sein
sy aintrechtig / er sey im achten jar Neronis verschiden vnd
zu Alexandria begraben worden. Aber sy sein hierauß verfüh
ret worden / das sy maintnen es wer kein Marcus meer vnd
den jungern des herren / vnd haben derhalb alles was von
baiden geschriben / disem allain zugeschriben / dan es war
noch ainer genant Marcus Aristarchus ain gehilff vñ di
scipel Pauli / von welchem er in seiner erstn gefencknuß / als
er von Nerone zu Rom behalten war / also schreibe ad Phi
lemonem / dich grüssen Marcus Aristarchus Demas vnd
Lucas meine gehülffen / dartzu in seiner anndern gefenck
nuß / da er mit saren befallen / vnd sach das sich der tag sei
nes tods nahet / da schryb er Tymotheo auch von Rom auß
dem kercker / vñ gedenckt dises Marco widerum / schick dich
das du bald zu mir kommest / Lucas ist allain bey mir / dar
umb nim Marcū mit dir / dan er ist mir nutz in seiner dienst
barkeit. Den mantel so ich zu Troade gelassen bey Carpo /
vnd die bücher vnd pargamen bring mit dir. Iacobus Sta
puleſis nit ain geringer man / legt dise wort seüberlich auß /

sprechend/der Apostel hat Lucam bey sich/ vnd schreybt fleißig nach Marco vnd nach dem pergamen/warüb aber das: nur allain/ das er die pergamen ließ Marco vnd Luce den götlichen schreybern/vom hailgen gaist aufferwölt/vñ mit disen worten bezeügt der Scapulensis/das Marcus Aristarchus vnd nit Johannes Marcus das hailig Euangelium geschriben/welcher nun wol hatt künden leben nach des Teronis tod/dañ der Apostel dise Epistel hatt vmb das dreyzehend jar Teronis geschriben/vnd nach dem Marco geschickt. Ob nun ainer villeicht wenen wölt/Johannes vñ Aristarchus weren zway wort ainer bedeutung bey den Hebreern/dem ist nit also/dañ Aristarchus bedeuít als vil man sprech/aufweckend die Cron/Johannes aber wirt außgelegt/die gnad des herin/hier auß wirt kund das ain lauter gedicht sey/so etlich von Petro vnd Marco fürgeben.

¶ Das sibend argument.

Der Jud Philo in allen schriffren erfarn/ als er von seinem volck borschafft weise/an kaiser Caligulam/vnd darnach ain annder mal zñ Claudio gen Rom geschickt ward/hatt er mit Petro von mancher lay sachen disputiert/vnd ist im mit frainschafft dermassen verhofft worden/das er darnach allethalben in seinen büchern/wie es sich begeben/die Christenlichen mit grossen lob geziert hat/vñnd sonderlich dem Johanni Marco/ain eigen büch zñ preys geschriben/wie das bezeügt Jeronimus de viris illustribus.

¶ Antwort.

Dise gauckelred sol man billich mit lachen verantworten/dañ wie hat Philo Petrum in den gezeitren Claudij zñ Rom mögen ansprechen/welcher doch dahin nie kómen/als wir oben mit sonil vsachen erwunden haben/dañ Paulus da er am end des reichs Claudij die epistel ad Romanos geschriben/hat er die eltern priester/gewercken des Euangelij/vnd die gemainen auch zum tail/genent vnd anzaigt/aber Petri mit dem geringsten wörtlin nit gedacht/darnach als

er im vierdten jar Neronis gefangen dahin gebracht / hat
er in auch nit da funden / vnd als er zway jar da behalten
ward / grüßte er kein kirchen von seint wegen. Lucas hat die
history der geschicht der Aposteln bis an das vierdt jar Ne-
ronis werend / zu Rom gemacht / vnd darinnen Petri nie ge-
dacht. Zehen jar nach disem allem als Paulus widerüb ins
gefenccknuß zu Rom gelegt / hat er kein hilff oder beystand
von Petro empfunden / sonder hat allain mit dem ainigen
Luca die geschichte des Euangelij außgericht / von andern
allen verlassen / Wöllen wir nun sagen Philo bab derhalb-
en die Christen in seinẽ büchern also gebreißt / das er mit Pe-
tro in güter frainschafft gestanden / wil ichs darfür haltn
solche kund vnd frainschafft sey gemacht wordẽ in Judea /
da Petrus Christum predigend / sein lebttag volbracht / vnd
den tod gelitten hat. Dortzu hat Philo nit allain vnder den
Juden / die Cristen mit billichem lob gebreißt / dan auch Jo-
sephus von welchem man nicht sagt / das er Petri gesehen
oder frainschafft mit im gehabt / schreybt so eerlich von Cri-
sto in seinen büchern / von den alten geschichten Jüdischs
volckes / das zuerwundern ist / von ain auß so ainem aigen
kopffigen volck / aber wen wils selzam dunckẽ / dieweil auch
die teüfel bezwungen worden sein Christum zu loben . Des sel-
bigen warhait / in ferligkait gefürt / bestetigen wir mit di-
sem büchlin / vnd bringen an tag zum rail die bosshait vnd
yrtumb / der Occidentalschen Babilonien / in güter hoff-
nung den lon der vnuerderblichen Cronen / dardurch auß
seiner lautern gürtigkait zü bekömen. Amen.

Got sey lob vnd Eer.

hreybt fleiß
b aber das
d Luceden
ölte / vñ mit
arcus Ari
Euanges
leben nach
te vmb das
em Marco
hannes vñ
bey den He
eüt als vil
er wirt auß
s ain laute
fürgeben.

arn / als er
aiser Cali
zu Claudio
mancher
ffte dermas
n in seinen
nie großem
Marco / ain
Jeronimus


erantwort
Claudij zu
kömen / als
an Paulus
manos ge
Euangelij /
zaigt / aber
arnach als

A



[Faint, mirrored text bleed-through from the reverse side of the page, appearing as ghostly impressions.]

[Faint, mirrored text bleed-through from the reverse side of the page, appearing as ghostly impressions.]













57

In disem büchlin wirt mit mancher
 lay tapffern/bestendigen/vnd in der schrift gegründten vrs
 sachen/klärlich bewert/das der hailig Apostel Petrus
 gen Rom nicht kōmen/noch alda den tod gelie:
 ten/darausz volget/wie sich der Rōmisch
 Papst/vnbillicher weiß/ain nach/
 kommer Petri rümet vnd auß
 schreibe ꝛc.

